



बड'सा'याचि 'बड'सा' खौरांलाइयाव  
स्नाज्याचि जिज्जो लोखा थानाय रायथाय, खन्थाय,  
सल', सल'बाथा आरु बावबायाचि थावनि, पार्क  
बाईदिनि स्यायाव लिखाय लिखाय दिशाय ठरु/  
बड'सा'याचि 'बड'सा' खौरांलाइया खेबखानानै  
फोखावगोव/  
बड'सा'याचि लिखायलि दुबा खालाम,  
'बड'सा' खौरांलाइया आंगो खालाम/  
सानसेयारि बड'सा मावखुलि  
माडुबं नोगोर, जोहोलाव दैमालु लामा  
कक्राझार, विदिसि-783370  
Website: www.bodosanewspaper.com

BODOSA ★ A Bodo News Daily ★ Monday ★ 8 April, 2024 Kokrajhar, BTC, Assam ★ Vol.- 34, Issue No. 15 ★ R.N.I. Regd.No. 40994/91, Assam Govt. Regd.No. IPRD.40/2006/3, ★ Rs.8/-

बकाखातयाव काजिरडा लकसभा बियाबनि बिजाथिनि जानानै बिजेपि जुथाय दोलोनि बिसायख 'थि फोसावदिं मेल

## मदिनि गेरन्टिखौ राइज्यो सरकारा वारेन्टि होनानै अरायथा खालामना होगोन: गिबि मन्थि

गुवाहाटी, 7 एप्रिल: आसामनि लकसभा खुंजानो गिबि खोलोब बिसायख 'थि भट थुनायनि सानआ खाथि जाबोनाय लोगो-लोगोनो बिसायख 'थियारि दुहाव थासारिया बांदें। देरहानायनि समायखिरा लानाय दावबायनायजों सामफ्रोमबो माखासे बिसायख 'थि मेल खुंनाने माराथन फोसावदिंनाय हाबाफारिखौ सोलिहोलांनाय गिबि मन्थि उ हिमन्त बिश्व शर्माआ दिने बकाखातयाव



बिजेपि जुथाय दोलोनि काजिरडा लकसभा बियाबनि बिजाथि कामाख्या प्रसाद तासानि जानानै फोसावदिं। गासैबो थाखोनि राइजो-राजाफोर हान्जा-हान्जा

ओंखारबोनानै सुबुंफोरनि बाना सोमजिनाय बकाखातनि बिहरा साहा बागानाव गेदेर बिसायख 'थि मेलयाव गिबि मन्थि उ हिमन्त बिश्व शर्माआ गुवारि बिबुंथि होदें। अरायथा

नडै हेलिपेटनिफ्राय गिबि मन्थिखौ मेल खुंनाय जायगासिम बिबार सारसिनाय, झुपुर, बिहु मोसानायजों बरायना लाबोयो। बे बिसायख 'थि फोसावदिंनाय हाबाफारियाव गिबि मन्थि उ शर्माआ राइजो-राजाफोरनि गेजेरसिम थानानै 'आकौ एवार मदि सरकार' (आरोबाव खेबसे मदि सरकार) (□ 5 बिलाइआव)



कंग्रेसनि गाहायाव गोग्लैनायनि जाहोना गेना-खाथि-आरो नख 'रारि बिथानि राजखाथि: सर्बानन्द सन 'वाल

डिब्रुगडआव बिजेपिनि दोलोनि गोखों फोसावदिंनाय हाबाफारि

लुरिनज्यतिआ हारियारिबादिनि असिलायै कंग्रेसजों बिसायख 'थि गेलेदें: मन्थि जयन्त मल्लवरुवा

गुवगहाटी, 7 एप्रिल: राइज्योयाव फेगौ लक सभा बिसायख 'थिखौ लानानै राजखाथि हान्जाफोरनि फोसावदिंनाय गोखोडे सोलिगासिनो दं। बे बायदिनो बिजेपि दोलोयाबो बिसायख 'थिनि फोसावदिंनायखौ गोखोंसिन खालामदें। बिसायख 'थिनि फोसावदिंनाय हाबाफारियाव गोखोडे नांथाबदें मन्थि जयन्त मल्ल बरुवाआ। अखं आसामाव बिसायख 'थिनि फोसावदिंनायाव मुकुब जादें मन्थि जयन्तमल्ल बरुवाआ। दिने डिब्रुगडआव बिजेपिनि बिजाथि सर्बानन्द सन 'वालनि जानानै फोसावदिंदें मन्थि जयन्त मल्लवरुवाआ। (□ 5 बिलाइआव)



बिजेपि जुथाय दोलोनि काजिरडा लकसभा बियाबनि बिजाथि कामाख्या प्रसाद तासानि जानानै फोसावदिं। गासैबो थाखोनि राइजो-राजाफोर हान्जा-हान्जा

## सानसेयारि बड'सा खौरां बिलाइनि गाइसनगिरि आरो समाज सिबियारि रुंसारि चिन' बसुमतारिनि गोसोखांथियाव क्रिकेट बादायलायनाय खुंदें

काशिकत्रा आरजे इलेभेन हान्जाया ज 'ज' जिम्मि बडइगाव हान्जानि हेंथायै देरहासार

काशिकत्रा, 7 एप्रिल: बड'सा खौरां बिलाइनि गाइसनगिरि गाहाइ सुजुगिरि आरो मुंदांखा समाज सिबियारि रुंसारि चिन' बसुमतारिनि गोसोखांथिआव क्रिकेट बादायलायनाय खुंदें। वर 'नि खौरां बिजोंनि फोथाराव बड'सा खौरां बिलाइखौ दिहुन्नानै गिबियै जांखिथाय लाबोजेनगिरि आरो समाज सिबियारि चिरां जिल्लानि काशिकत्रा भाउलागुरि गामिनि (□ 5 बिलाइआव)



चिरांनि पानबारियाव आइपिएलनि सानै जुवारु हमदें

बिजनि, 7 एप्रिल: हदरनाडैनो दासान्दि क्रिकेट गेलेनाय आइपिएलनि दोहो। आइपिएल खेलानि मुडव गोबां थावनिफोराव जुवानि आहा खालामो जुवारिफोरा। बे बिथिडाव खाबु होयाखै पानबारि पुलिसआ। गोखों नोजोर होनायजों चिरांनि पानबारियाव सानै जुवारु हमदें। आइपिएलनि मुडव जुवा गेलेनानै पुलिसनि आखाइयाव (□ 5 बिलाइआव)


बाकसायाव बिपिएफनि बिजाथि खाम्फा बरगयारिआ बिसायख 'थि फोसावदिंदें इउपिएलआ 20 निफ्राय 25 जौखोन्दो बर' हारिनि भट मोनगोन: खाम्फा बरगयारि

सालबारि, 7 एप्रिल: गिबि मन्थिआ जुथाय दोलोनि दैदेनगिरि। बिथाडा जुथाय दोलोयाव थानाय बिजाथिनि जानानै बिसायख 'थि फोसावदिंनो। जों नाथाय बिथांजों लोगोसे बादायलायनो हाया। बेनि थाखायनो जोडे हांखायदें, आर 'ज खालामदेंदि, (□ 5 बिलाइआव)



हाग्रानि मैसोनि गाग्लोबनायाव कक्राझार आरो चिरां जिल्लानि सानै सुबुंनि जोखोम

कक्राझार, 7 एप्रिल: हाग्रानि मैदेर आरो सुबुंफोरनि गेजेराव मोगा-मोगि जाथाय सोमजिबोबाय थानाय समनि गेजेरावो बे खेबाव कक्राझार आरो चिरां जिल्लानि हाग्रानि मैसोआ गामि ओन्सोलाव उतखार खालामनाय जाथाय सोमजिदें। मिथिनो मोन्नाय बादिब्ला कक्राझार जिल्लानि



हलदिबारि आरो चिरां जिल्लानि साहा इसलाखाता गामियाव मासे हाग्रानि मैसोआ हाबफेनानै उतखार खालामदें। हाग्रानि मैसोनि गाग्लोबनायाव हलदिबारिनि सिडाव थानाय 2

तामुलपुराव दिलिप शइकियानि हेफाजाबाव इउपिएलनि बान्जायनायाव बाइक रेलि खुंदें

तामुलपुर, 7 एप्रिल: खुंजानो गोनं फेगौ लकसभा बिसायख 'थिनि नैथि खोलोबनि थाखाय राइज्योनि गुबुन गुबुन ओन्सोलजों लोगोसे तामुलपुरनि राजखाथि दोलोफोयबो साखा-फारा जाबाय। आथिखालाव बिसायख 'थिनि समफारिलाइया



फोसावजानाय बायदिये बारलानायाव गुबुन गुबुन हाबाफारिजों भयतरफोरनि गोसो-गोबोखौ मोजां मोनहोनो फोसावदिंनाय मेल-आफाद खुंनायखौ जागायजेन्नाय नुनो मोन्नाय जादें। बेबायदियावो (□ 5 बिलाइआव)

कक्राझार दख'रा एबसुनि बैसागु मोसानाय आरो दोरोझरि दामनाय मावबादाया जोबलांबाय सोलोंथाइजों लोगोसे हारिमुखौबो फोथानानै लांफानांगोन: सुसिल इरलारी

कक्राझार, 7 एप्रिल: कक्राझार जिल्लानि सिडाव थानाय सथ' आदाबारि गेलैरा फोथाराव बड'फा गोजोर'थियारि सोलायनाय मावथांखिखौ बिथा खालामनानै खोला कक्राझार दख'रा दुलाराय बर' फरायसा आफादआ बैसागु मोसानाय आरो दोरोझरि दामनाय मावबादाखौ थानाय 30 मार्च, (□ 5 बिलाइआव)



नारायणपुरआव थामथि बाकसा जिल्ला उसु जास ट्रेनिं आरो फोरमान फराफारि आन्जाद खुंदें

बड'सा थान्दै/मुसलपुर, 7 एप्रिल: बाकसा जिल्लानि वेन्दोडव थानाय नारायणपुर उसु हलआव दिने बाकसा जिल्ला उसु एस 'सियेसन आरो उसु एस 'सियेसन आसामनि बान्जायनायाव बाकसा जिल्ला उसु जास ट्रेनिं आरो फोरमान (□ 5 बिलाइआव)

गसाइगावआव सान 5 नि बिहु मोसानाय मावबादाया खुंफुंजाबाय



गसाइगाव, 7 एप्रिल: असमीया हारिनि आंगोनि फोबों रडालि बिहुआ गेजेराव साननैसोल' सम थाबावनाय गेजेरावो गसाइगाव मिरु रडालि बिहु खुंफुं आफादनि बान्जायनायाव थानाय बोसोरफोरनि बायदिनो देरलायबो सान 5 नि हाबाफारिजों बिहु मोसानाय आरो दामजु दामनारनि मावबादाया दिने खुंफुंजायो। गसाइगाव ओन्सोलनि राइजो-राजाफोरनि गेजेराव (□ 5 बिलाइआव)

बड'फा गोजोरथियारि सोलायनाय मावथांखिखौ बिथा खालामनानै 'गामियारि सांग्रांथि मेल' खुंदें

एबसुनि नारसिन्नायजोंनो वाइल्डलाइफआव थानाय सनितपुरनि वर'फोराबो हानि फोरमान बिलाइ मोनसिगोन: अबित नार्जारी

हुग्राजुलि, 7 एप्रिल: हुग्राजुलि दख'रा दुलाराय बर' फरायसा आफादनि बान्जायनायाव दिने 7 एप्रिल, 2024 अक्ट 'खालि बड'फा गोजोर'थियारि सोलायनाय मावथांखिखौ बिथा खालामनानै 'गामियारि सांग्रांथि मेल' खौ बड'फा गोसोखां गेजेर आरो गोजौ फरायसालियाव खुंफुंदें। मेलखौ



बेखेवनानै होयो सनितपुर जिल्ला एबसुनि गाहाइ नेहाथारि एनस मोसाहारीया आरो सांग्रांथि मेलाल गाहाइ आलासि महरै बाहागो लायो मिरु एबसुनि बुंथिगिरि अबित नार्जारीया। गाहाइ आलासि महरै बाहागो लानानै बिथाडा एबसुआ सोलोंथाइनि सायाव लानाय मिसन, (□ 5 बिलाइआव)

## सुजुगिरिनि खोलोम

### हारिमु आरो गोवलांसार होनायनि राहा

माहारिनि सिनायथिखौ हारिमुआसो होनो हायो। राव-हारिमु गैयाब्ला मोनसे माहारिया थाना थानांगौआ गोब्राव। बेनिखायनो जॉनि माहारिनि हारिमुखौ फोजौनाय, गोसारनाय आरो बेनि रेखाथिनि थाखाय मावनांगौ हाबाफोरखौ हारिमुखौ लोब्ला थानाय मावथिफ्रा गोसो होना मावनांगोन। लोगोसे समाजनि दैदेनगिरि आरो राइजो-राजाफोरनिबो मदद थानांगोन।

जॉनि माहारिनि हारिमुआ गोजौ थाखोनि होन्ना बुन्ला बाराद्राय बुनाय-जाबाय, होनथाव नडा। जॉनि मावनाय-दानायनि आदब-खायदा, जानाय-लौनायनि हुदा, गाननाय जोमनाय, जेरावबो माहारिनि हारिमुआ बेरखाडो। गुबुन माहारिनि हारिमुखौ जॉनि हारिमुआ फेर मारिनो हायो हाया बेखौ बुंनो थाडब्लाबो जॉनि हारिमुआदि गोजौ प्हेन्डाईनि बेखौ जौ बुंनो हायो।

मोनसे समाव जॉनि गेजेराव माखासे हारिमु सिबिसुला, रोगैथि गोना सुबुफोरा रोजाबनाय-मोसानाय, दामनाय-देनाय, बाइदि बिथिडाव गोसो होना हारिमु फोसाबनाय हाबाया आखाय होदोमोन। बिथामोनखौ मनाय नुवामोन। हारिमुखौ बयनिबो आंगो खालामनो, बयजोबो बजबना लाजानाय खालामनो, हारिमुखौ फेहेरनाय आरो फोसावनायाव समाजनि सुबुफ्रा जाहाथे मदद होलायो, बेनि थाखाय माखासे मोदोम गुदु सुबुफ्रा नाजादोमोन। बिथामोननि मादाव सोरबाया मेथाय खनाय, सोरबाया मोसानाय, सोरबाया दामनाय-देनाय आरो सोरबाया भावथिना दिन्थिनाय हाबायाव गोसो होदोमोन। गुबुन गुबुन आयदायाव नांथाबना देरहासाद जानोबो हादोमोन। दुखु मोनथाव बाश्या बेनोदि, बै समाव जायफोर हारिमुगिरि सुबुडा गाव-गावनि हारिमु आयदायाव रोगैथिखौ दिन्थिफुनो हादोमोन बिथामोनखौ सुबु समाजा मान होनो रोडामोन, जेरै आधिखालावबो नुनो मोनो।

हारिमुखौ गोसार होनोब्ला बयनिबो मदद गोना जायो। हारिमुगिरि एबा हारिमु सिबिसुलाफोर नाजानायजौल' माहारिनि हारिमुखौ गोसोरहोनो हाया। माब्रेबा जॉनि आंगो हारिमुखौ गुबुन जायगायाव गोसारहोनो हागोन बेखौ साने हयै हाबाफारि लानो गोना दड।

बुंनो थांब्ला बेखौ बुंनानोन, जॉनि बे माहारिनि हारिमुखौ गोसारहोनो नाजानायखौ बारा नुनो मोना। जायनि थाखाय जॉनि हारिमु आयदाफोर जेरै-रंसारो अस्टाद कामिनि नाजरी फोरौलानाय बागुम्बा मोसानाय, मोसाखावरि मोसानाय, मोसागलानाय, सिएनि मोसानाय, हाबा जानाय मोसानाय, थाखिपाल्ला गाननि मोसानाय, बैसागु रंजानाय मोसानाय आरो रंसारि जोहोलाव निलेखर ब्रह्ममा आगावनि रैसुमै गारांजो खन्ना दिन्थिलानाय खुगा मेथायफोरखौ रैखाथि होना नै लाखिनो हायाखिसै। आधिखालनि मेथायगिरि, दंखोगिरिफ्रा खाब जायै गारांजोसो खुगा मेथायफोरखौ रोजाबनो लाबाय। रंसारि दारेन बसुमतारीमोन दिन्थिलानाय थुनफावथाय, भावथिना फोरखौ रैखाथि होना लाखिनो हायाखिसै। बेजो जॉनि गोमालानो हमाय हारिमुनि नैसनफोरखौ रैखा खालामनायनि थाखाय बाइदि रोखोमनि हाबाफारि आखायाव लानो हागोन।

## दिनेनि फान्जामुथि

### राशि बाइदियै मुंनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ)  
 कर्कट : ड ह सिंह : म ट कन्या : प ट (ण ष)  
 तुला : त र बुश्चिक : ब न धनु : ध भ (ढ फ)  
 मकर : ख ज कुम्भ : ग श (स) मीन : द च (ख ज झ)

- मेघ:** फुंबिलि समाव गोथार खामानि मावना नै लानो हागोन। बे राशिनि थाखाय गाहाम सान।
- वृष:** बायदिसिना जालु-जाला जाना नै महर-सुखिआ गोमालानो हागौ। देहाखौ सांग्राडै लाखि।
- मिथुन:** फिसानि थाखाय जिंगा सिनानो हागौ। गोसोखौ शान्ति मोन्या नडा।
- कर्कट:** नख'र संसार जानायाव गोजोनाय गैयै सोमजिनो हागौ। गोसो हमाथाना नै सोलिनानोन।
- सिंह:** जेखियानो मावा फालागिरिनि थाखाय गाहाम सान। रांखावरि मुलाम्फा मोनो हागोन।
- कन्या:** 12:00 रिगानि उरनिफ्राय बे राशिनि थाखाय शुभ सम। माबाफोर मावनो गोनां दड'बा मावनो हागोन।
- तुला:** गोजाम बेरामफोर दड'बा सिखांनो हागौ। देहाखौ सांग्राडै लाखि।
- बुश्चिक:** नांगौनि बांसिन रां खर'सा खालामनानो हागौ। आखायाव थानाय रांआ जोबखानो हागौ। गोसोखौ हमाथा।
- धनु:** जे खामानिखौ मावगासिनो बेवहाय रांखावरि मुलाम्फा मोनो हागोन। मोजां सान।
- मकर:** जेखि जाया शुभ खामानि मावनानै लानो हागोन। सान्नाय-हनाया जाफुनो हागौ। गोजोन मोनमोन।
- कुम्भ:** रांखावरिनि थाखाय जिंगा सिनानो हागौ। गोजोनाय गैयैजो सम बारहोनांगोन।
- मीन:** बहाबाफोर दावबाय हैनो मोनो हागौ। गोजोन मोनो हागोन। मोजां सम।

## सालबारिनि खोला दुमरुगुरियाव बिषुवा फोर्बो खुंनो लाहार-फाहार

भवानिपुर, 7 एप्रिल: बाक्सा जिल्ला दुलाराइ कच राजबंसि फरायसा आफादनि बान्जायनायाव, निमुवा दखरा आफाद आरो राइजो-राजाफोरनि हेफाजाबाव कच राबंसि हारिनि 'बिषुवा' फोर्बोखौ फेगौ 27 आरो 28 एप्रिलाव सानैनि हाबाफारिजो सालबारि महकुमानि सिडाव थानाय खोला दुमरुगुरि चिलाराय फोथाराव खुंनो लाहार-फाहार खालामदो। बेनि लोब्लाजो मैया खोला दुमरुगुरि गुदि फरायसालिनि लांगोनायान माखासे राइजो-राजा आरो कच राजबंसि फरायसा आफादनि दैदेनगिरि-मावफारियाफोरनि बाहागो लानायाव दुलाराय कच राजबंसि फरायसा आफादनि जुथाय नेहाथारि कपिल देब सिंहनि आफादगिरि मासि सामलायनायाव बिषुवा फोर्बो बान्जायनो थाखाय मोनसे सरासनसा मेल खुंजायो। बे मेलवा बाक्सा जिल्ला दुलाराइ कच राजबंसि फरायसा आफादनि बान्जायनायाव आरो निमुवा दखरा

कच राजबंसि फरायसा आफादजो लोगोसे राइजो-राजाफोरनि हेफाजाबाव खोला दुमरुगुरि चिलाराय फोथाराव बिषुवा फोर्बो खुंनयनि थांखि आजवाना लायो। बेनि थाखाय समाज सिबियारि प्रदिप कुमार बर्मनखौ आफादगिरि आरो बाक्सा जिल्ला कच राजबंसि फरायसा आफादनि जुथाय नेहाथारि नबज्यति कचखौ गहाइ नेहाथारि महेर लानानै सा 51 सोदोमानि मोनसे बिषुवा फोर्बो बान्जाय आफादखौ दाफुनाय जायो।

## भवानिपुरआव सानबानि हाबाफारिजो बिहु मोसानाय मावबादा खुंफुदो

भवानिपुर, 6 एप्रिल: भवानिपुर दखरा रडालि बिहु अरायथा आफादनि बान्जायनायाव, भवानिपुरनि बिहु मोसाखावरि असिम मेधनि सामब्लायनायाव भवानिपुर गोजौसिन गेजेरारि फरायसालिमानि गेलैग्रा फोथाराव सान 5 नि हाबाफारिजो खुंनय बिहु मोसानाय आरो बिहुनि दामजु दामनायनि मावबादाया मैया मोनाबिलियाव खुंफुजायो। मावबादानि जोबथा साननि हाबाफारियाव बिहु मोसानाय आरो बिहु दामजु दामनाय मावबादानि फोरैगिरि, सोलोसाफोरा गोवलां बिहु



दिन्थिफुनायजो लोगोसे गोवलां मेल, बरायनाय हाबाफारिबो खुंनय जायो। मावबादानि गहाइ सामब्लायगिरि असिम मेधिआ दैदेन्याय जोबथा साननि

हाबाफारियाव आसाम सरकारनि बारग'मन्थि आरो बारग'एमपि कु मार दिपक दास, मेथाइ खनगिरि काकलि दास, भवानिपुरन शंकरदेब शिशु

निकेतनि गहाइ फोरैगिरि गपाल बायन, भवानिपुर गोजौसिन गेजेरारि फरायसालिनि बारग' गोरयुं आरो भवानिपुर ओन्सोलनि रडालि बिहु अरायथा आफादनि आफादगिरि अजित कुमार चौधुरी, खौरगिरि राना डेका, राजिब तालुकदार, जिन्तु तालुकदार, आसुनि मिरुनि मावफु' सोदोमा दिपक ठाकुरियाजो लोगोसे माखासे गागि सुबुफोरा आलासि महेर बाहागो लानानै बिहु हारिमुनि सायाव बिबुंथि होयो। जोबथा साननि हाबाफारियाव सोलोसाफोरनो फोरमन बिलाइ होनायजो लोगोसे फोरैगिरिफोरखौ बान्जायगिरिआ ज'खायै बरायनाय जायो। थानाय 2 एप्रिलनिफ्राय खुंनय बिहु मोसानाय आरो बिहु दामजु दामनाय मावबादायाव बाहागो लानाय भवानिपुर ओन्सोलनि गोवां सोलोसाफोरनो आसामनि सिगां सारिनि बिहुवा बिप्लव गै, अंकुरन दास, सुसिन्त्र दास, असिम मेधि आरो बिहुवति निशा सरकारआ फोरैथाय होयो।

## जेरेगावनि थागिबि समाज सिबियारि महेन रायआ रुंसारि जाबाय

बासुगाव, 7 एप्रिल: जेरेगाव गागिनि थागिबि, गागि समाज सिबियारि महेन रायआ मैया बेलासिनि 3:25 रिगायाव गावनि न'आव जोबथा हां बोयो। कक्राझार जिल्लानि सालाकाटि उफ्रा पुलिस बादानि सिडाव थानाय जेरेगाव आमगुरि गागियाव जोनोम मोन्याय महेन रायआ गागिनि किरण संघ, कालिफुख्र इउनास्टेड क्लाब बायदि समाजारि आफाद-दोलोफोरजो नांथाबानानै खामानि मावबोनादोमोन। बेनि अनगायैबो मोनसे समनि उतखारि हान्जा आल्फानि केडार, कालिफुख्र दखरा आक्रासुनि आरिमु नेहाथारिनि अनगायैबो 2006 माइथायनिफ्राय 2009 माइथायसिम लेडइ आफादगिरि



मासियाव थानायजो लोगोसे सालाकाटि ब्लक बिपिएफ दोलोनि क-अडिनेटर महेर जोबथा हां बोनाय समसिमाव बे मासियाव दड'मोन। नोरोम आखु आरो मोजां सोमोन्दोजो गोरबेलायनानै थानाय सुबु महेन रायआ दंखोजो लोगोसे गुबुन गुबुन दामजुफोरखौ दामनो

गोरैथारमोन। लोगोसे हारिमु दाफुगिरि महेर नांथाबना थानाय महेन रायआ बिसिजो लोगोसे सासे फिसाज्ला, बिदा, बिब'जो लोगोसे सासे बिनानाव आरो माखासे गाहाम अन्सायारिफोरखौ बे संसारव नागारलाडो। महेन रायनि थैनायनायाव बिटिसिनि बारग' मावफु' सोदोमा देरहासा बसुमतारी, ओन्सोलनि ज'खा दंखोगिरि कलेन राय, सालाकाटि ब्लक बिपिएफनि आफादगिरि सुरेन सिंह राय, कक्राझार जिल्ला कच राजबंसि सन्मिलनीनि नेहाथारि माधव राय, जेरेगावनि गावबुरा रुपनात रायमोनजो लोगोसे गागि सुबु आरो फरायसा दैदेनगिरिफोर गोथौ दुखु मोन्याय फोरमायनानै जोबथा मान बाउवो।

## बिजेपिनि आफादगिरि जेपि नड्डानि पर्चुनार कारखौ बेनारसनिफ्राय बोखांनो हाबाय



गोदान दिल्ली, 7 एप्रिल : भारतीय जनता पार्टी (बिजेपि) नि माहारियारि आफादगिरि जेपि नड्डानि कारखौ बेनारसनिफ्राय बोखांनो मोनो। फर्चुनार कारखौ 19 मार्चखालि दिल्लीनि गबिन्दपुरी ओन्सोलनिफ्राय सिखावफोरा खावदोमोन। बे केसआव पुलिसआ बडकलनि थागिबि शाहिद आरो शिवां त्रिपाठीखौ हमा। दायनिगिरिफोरा क्रेटा कारजो बे कारखौ खावबो थानोमोन। बडकलआव लानानै बिसरो कारनि नाम्बारा प्लेटखौ सोलायदो। बेनिफ्राय बिसोर आलिगड लखिमुवरि खिरि, बरेली, सितपुर आरो लक्ष्मनौ थानानै

बेनारससिम सौहेदो। सिखावफोरा कारखौ नागालेन्डआव दैथाइहरसो प्लेनि लादोमोन। मिबथिनो मोन्याय बायदिब्ला, बे कारआ बिजेपिनि आफादगिरि नड्डानि बिसिनि। इाइभारा कारखौ गबिन्दपुरियाव सारिभिसि सेन्टरव होनानै गावनि न'आव ओंखाम जानो थानोमोन। बे समाव सिखावफोरा कारखौ खावो। खौर मोन्याय लोगो लोगो दिल्ली पुलिसआ सिंसिर्टिभि फुटेअफोरखौ संदानो अक्का कारखौ गुरुरामथि फेनाय नुनो मोनो। बेवहायनो पुलिसआ कारखौ हमांनो मोनो आरो सानै सुबुफोरखौबो हमां। जेपि नड्डानि बिसिनि गोमानाय

गारिनि नाम्बारा हिमाचलनि। मानोना जेपि नड्डाया गुबैयै हिमाचल प्रदेशनि थागिबि। हाइ प्रफाइलनि गारि गोमानाय केस हिसाबे दिल्ली पुलिसआ गोखौ एक्शन लायो आरो इाइभार जगिन्दरनि अजद होनायाव मोनसे एफआइआर थिसन्याय जादोमोन। मख'नो गोनांदि, माहारियारि राजथावनि दिल्लीयाव गारि खावनाय जाथायफोर जाफोबाय थायो। माखासे सान सिगांआव गारि खावनायखौ लानानै मोनसे रिपटआव बुंदोमोनदि, दिल्ली-एनसिआरआव मोनफ्रोम 14 मिनिटआव गंसे गारिया सिखावजो खावजायो।

## बेसर, बादाम, सयाबिन बायदि थावफोरनि बेसेना सोलायदो



गोदान दिल्ली, 7 एप्रिल : सरकारनि बेसर बायनाया बांनयजो शनिबाय थाव दिहुनग्रा फसलनि बाजारआव बेसर, सयाबिन, गोथां पाम थाव (सिपिअ) एबा पामलिन, बिनोला थाव बायदिफोरनि बेसेना सोलायदो। हाइ थक बेसेनाव खमसिन लिभालीनिफ्राय बादाम थाननि बेसेना सिगांनि थाखोसिमाव बन्द' जायो। सुलुनि बायदिब्ला, एमएसपिआव बेसरफोरखौ गोवां राइज्योफोराव सरकारनि

बायनाया बांनयनि उनाव बेसरजो लोगोसे गासिबो जाग्रा थावफोरनि बेसेना सोलाय-सोल' जायो। बादामनि थावनि बेसेना बांसिन जानायजो बेनि फालांगिया इसे खम जादो। थाव फेरेदग्रा मिलफोरा बेसर आरो बादामखौ फेरेदनायाव कि: ग्रामआव 4-5 रां ख'हा जानांदि। मानोना इन्पर्ट थावफोरनि थक बेसेना खमसिन गोल्थैयो, जायजो बाजारआ गोहोम गोल्थैयो आरो देशी दावफोरखौ फानो हानाया गोब्राव जायो। फारसेथिं खुसरायाव बेफोर जाग्रा थावआनो गोजौ बेसेनाव मन्दिफोराव दोन्थुमनाया 9-9.25 फनाजादो आरो नबरत्रि आरो

जुलि-फोर्बोनि समाव बे थावफोरनि डिमान्डआ बांसिन जायो। सुलुनि बायदिब्ला, जाय सुबुफोरा आबादारिफोरनो खम बेसेना बांसिन जानायजो बेनि फालांगिया इसे खम जादो। बिसोरो सयाबिन आरो सान बिबोरनि इम्पर्टखौ बांनोनायनि बाश्राखौ गोसारहोदोमोन। बिसोरो आधिखालाव सिरियै थानादो। आबादारिफोरा गावनि बेसर फसलखौ गोजौ बेसेनाव फानो थाखाय सरकारनि बायनायखौ नेना नै थादो आरो बिसोरो हाखु-दाखुबो खालामाखै। बेनि जाहोनावनो बेसरफोरनि मन्दिफोराव दोन्थुमनाया 9-9.25 लाख बरिआव दिदोमै दड।

## 10-14 एप्रिलाय सरुपेटा रंजालि बैसागु सन्मिलनआ बैसागु मोसानायनि मावबादा खुंफुनो साखा-फारा

भवानिपुर, 7 एप्रिल: सरुपेटा रंजालि बैसागु सन्मिलननि अरायथा आफादनि बान्जायनायाव आरो भारेगावनि पासे बैसागु दोलोनि हेफाजाबाव फेगौ 10 एप्रिलनिफ्राय 14 एप्रिलसिम सानबानि हाबाफारिजो सरुपेटानि मिलन मन्दिनि लांगोनायाव बैसागु मोसानायनि मावबादा खुंफुनो साखा-फारा खालामदो। मख'नो गोनांदि, सानबानि बे बैसागु मोसानाय मावबादायाव आसामनि गिबि सारिनि बैसागु हान्जा-बापुजि कौबर, बिधान देउरि, सुनिल कुमार दास आरो बैसागु रानि उदिता चक्रबर्टी आ बैसागु मोसागिरिफोरखौ फोरैथाय होगोन होना रंजालि बैसागु सन्मिलननि अरायथा आफादनि आफादगिरि बिजान बायन आरो नेहाथारि मुन्ना तालुकदारआ फोरमायदो। मावबादायाव बाहागो लानो गोसो गुसदु लाइमोन संग्रा-सिख्लाफोरखौ 86382266538 मबाइल फनयाव फोनांजाव खालामनो थाखाय बान्जाय आफादआ खावलायहरदो। मख'नो गोनांदि, सरुपेटा रंजालि बैसागु सन्मिलननि बान्जायनायाव फेगौ 1 बैसागु, 7 आरो 8 बैसागुयाव मेहेर गोनां हाबाफारिजो सरुपेटानि मिलन मन्दिनि लांगोनायाव रंजालि बैसागुखौ खुंफुनाय जागोन। सरुपेटा रंजालि बैसागु सन्मिलनआ फोरमायनाय बायदिब्ला, 1 बैसागुआव बैसागु मोसाखावरिफोर, सरुपेटा रंजालि बैसागु सन्मिलन आफाद, राइज्योनि गेजेराव मोनसे खोसेथिनि फसंथान आरो गोजाम हारिमुवारि गेलेनाय-बादायलायनायखो खुंफुनाय जागोन। 7 बैसागुयाव साननि समाव हारिमुवारि हान्जा सुरनाय हाबाफारि, मोनाबिलिनिफ्राय उदां बैसागु बादायलायनाय, 8 बैसागुयाव आइजोफोरनि भलिबल बादायलायनाय, हारिमु मोनाबिलि खुंफुनाय जागोन। बेजो लोगोसे फिर्फिला बिखोनाय, मान बाउनाय, थुनलाइ बादायलायनाय, सावगाारि बोनाय बादायलायनाय बायदिबो खुंफुनाय जागोन होना बान्जाय आफादनिफ्राय फोरमायहरदो।

## केजरिवालआ गिबि मन्थिमोन, दं आरो थाबाय थागोन: एमपि सन्जय सिंह



गोदान दिल्ली, 7 एप्रिल: दिल्लीनि गिबि मन्थि अरबिन्द के जरिवाल आरो मनीष सिंसदियाया जौ केलेंकारिनि केसआव जेलाव दं। गुबुन फारसेथिं, आपनि एमपि सन्जय सिंहखौ गोजौसिन बिजिरसालिआ जागिम होबाय आरो बिथाडा जोबथे सारिनि फ 1 य बायजोआव दं। बिथाडा बुंदोदि, जेब्ला बिथाडा जोबथे सारिनि फ 1 य ओंखारबोदोमोन अब्ला अखानाय बिथाडा लो गो फ 1 य मिथिदोमोनदि, केजरिवालखौ मोनसे गोथो फावफान्दायनायनि जोहै खानाय जादो। आं दिने बुडोदि, अरबिन्द के जरिवालआ दिल्लीनि गिबि मन्थिमोन, दं आरो थागोन। केजरिवालनि केसआ नंखाय आरो गिबि नोजोराव सासे हमगार्डआबो बेखौ नंखाय बुंगोन। सन्जय सिंहआ बुंदोदि, इडी आरो सिबिआइआ जयै 456 साखिफोर बानायदोमोन नाथाय बिसोरनि गेजेराव सा 4 अल' बेफोर जायगाफोराव केजरिवालनि मुं दं। बे गासै जाथायाव मगुन्टा रेड्डी, राघव मगुन्टा, शरद रेड्डी आरो गिबि

मन्थि केजरिवालनि मुं लानाय जादो, जायनि गेजेराव जेब्ला मगुन्टा रेड्डीआ नायबिजिरनायाव केजरिवालनि मुं लायाखैमोन अब्ला बिथानि फिसाज्लाखौ जेलाव दोननाय जादोमोन। बे केसनि मोन 10 बिबुथिफोरनि गेजेराव मोन 8 बिबुथियाव केजरिवालनि मुंखौ मख'नाय जायाखै। बेफोर बिबुथिफोरा केजरिवालनि दाय गैयैनि फोरमान। बेखौ दोनखोमानाय जादो आरो बेफोर गासैखौबो बिजिरसालिनि बिथोनजो जॉनि उखिलफोरनो होनाय जादो। शरद रेड्डीनि मोन 12 बिबुथिफोरनि गेजेराव जोबथा बिबुथियाव' केजरीवालनि मुंखौ मख'नाय जादोमोन बे समावनो मनीष सिंसदियायनि बिसिया 20 बोसोरनिफ्राय गोब्राव लोमजानानै दंमोन नाथाय मनिफखौ जागिम होनाय जायाखैमोन। शरद रेड्डीआ बिजेपिखौ खानायनिफ्राय जागिमसिम 55 कौटि रां होदोमोन। सन्जय सिंहआ बुंदोदि, जॉनि केलेंकारिखौ बिजेपिआ खालामदोमोन, जुदि लेप्टेनेन्ट गभर्नरहा एसे नैतिकता दं अब्ला बिथाडा बिजेपिनि बेरेखायै नायबिजिरनांगौ, बेनि बागै इडी आरो सिबिआइनो लाइजाम निर नांगो। बिजेपिआ जाख्ल'नायनि बाश्रा बुंबाय थायो आरो बिसोरो दारिमिनगिरिफोरनि 15 लाख कौटि रांखो रेहाय होबाय। गासैबो गांजि खामानि मावग्राफोरा गलाय-गथायमोन। बिजेपिआ बुहुमनि बयनिखुइबो बांसिन अनागार दोलो। जेब्ला बिथामोनहा नंखाय गसर थिसन्दो आरो नंखाय साखि बानायदो, अब्ला केजरीवालआ बे बिथायाव मानो बिबान एंगारनांगो।

## टेलिकम, रियल्टी शेयारफोराव गुबुन हादतयारि इन्भेस्टारफोरा गोख्रों इन्भेस्ट खालामदों

गोदान दिल्ली, 7 एप्रिल : गुबुन हादतनि इन्भेस्टारफोरा टेलिकम आरो रियल्टी शेयारफोराव गोबां इन्भेस्ट खालामगसिनो दड। फारसेथि एफएनएसिजि चेममेन्टिन् स्ट्रक्चरनिफ्रायबो मुलाम्फा मोनो हादों। जिय 'जिट फाइनेन्सियल साबिसेसनि गाहाइ इन्भेस्ट सोलो-खाथिगिरि भिके बिजय कु मारनि बुंनाय बायदिब्ला, एफपिआइ हाबाफारियाव जाय मोनसे मख 'जाथावटिन्। बे बोसोराव आमेरिकान बान्ड यील्डआ गोबां सोलाय-सोल 'जानाने फैदों। बेनि सोलिफु बोसोरा यील्डआव दावखलायनायजों जागायदों, मानोना बाजारा 6 रेट कार्टनि आसा खालामदोंमोन। बिथाड बुंदोंदि, बेयो जेब्ला जायाखै अब्ला बाजारा 3 रेट कार्टनि सायाव थांखि लानो



जागायो। मानोना आमेरिका लेबार बाजारा लांथिथ ये 'हायाव गोलैनाने दड। आथिखालाव माखासे जर 'खागिरिफोरा हमदांदोंदि, खननैल 'दावखलायनाय फैनो हासिगो आरो बेखों 2024 आव लाफिन्डो हानाय जागोन। बेनि फिनजाथायाव आमेरिकानि 10 बोसोरनि यील्डआ 4.4 जौखोन्डोसिन

दावखोदों। बिथाड बुंदोंदि, बेजों फैनो गोनां इयुनाव भारतआव एफपिआइ इन्भेस्टआव गोहोम गोलैनां। अदेबानि हाइ आमेरिकान बान्ड यील्डनि अनगायैबो एफपिआइनि फानाया सिमना गोनां जानाने थागोन। मानोना भारतीय शेयार बाजाराव दावखोलांनयखौ नुनो मोनगसिनो आरो बेयो लांथिथ ये गोदान रेकर्डबो सोरजिगासिनो

थादों। मतिलाल अशवाल फाइनेन्सियल साबिसेसआ बुंदोंदि, नख 'रि फसंथानारि इन्भेस्टारफोरा मार्च, 2024 आव लांथिथ ये 8 थि दानसिम 0.8 बिलियन डलारनि इन्भेस्ट खालामदों, जाय एप्रिल 2020 नि उनाव बयनिखुडो बांसिन। एफआइआइआबो मार्च 2024 आव 4 आर 'ब डलारनि गोख्रों इन्भेस्ट खालामदों।

## मणिपुरआव हिंसानि उनाव सा 25,000 सुबुंफोरा गावसोरनि न 'फोरखौ नागारना रिफुजि बादायाव थानो गोनां जादों

इम्फल, 7 एप्रिल: मणिपुरआव हिंसानि 11 दाननि उनाव बिसायख 'थि आयगआ राइज्योआव लकसभा बिसायख 'थि खुंनो गोब्राव खामानिन् थाखाय साखाफारा जागासिनो दड। गाहाइ बिसायख 'थि मावख 'गिरि प्रदीप कुमार झाया बुंदोंदि, फैबाय थानाय बिसायख 'थियाव भट होनो थाखाय 24,500 नि बांसिन जायगा सोलायनाय सुबुंफोरखौ भट होग्रा महरै सिनायथि होनाय जादों। रैखाथि बादायाव थाग्रा भट होग्राफोरनो भट होनो थाखाय जर 'खा लाहार-फाहार 'खालामनाय जादों। लकसभा बिसायख 'थिनि थाखाय मणिपुराव गासै मोन 2,955 भट सोग्रा मिरुफोर फसंनय जागोन। जायगा सोलायनाय सुबुंफोरखौ गावसोरनि भट होनो खबु होनो थाखाय गं 94 जर 'खा भट मिरुफोरबो फसंनय जादों।



बिथाड बुंदोंमोनदि, राइज्योआव बिसायख 'थि खुंनो थाखाय जुनिया हाज्जाफोर दानाय जादों आरो जों भट होग्राफोरनि सांग्राथि हाबाफारिफोरबो जागायबाय। मणिपुरनि हिंसानि उनाव माखासे सुबुंफोरनि गेजेराव निरास आरो नेगेटिभिटि दं। बेबादि थासारियाव बेफोर हाबाफोरखौ जायगा सोलायनाय सुबुंफोरनि मोन्दाथिफोरखौ नोजोर होनाने थियारि खालामनाय जादों। मख 'नाय जायोदि, मणिपुराव थानाय बोसोरनि 3 मेनिफ्राय हिंसायाव सा 219 सुबुंफोरा

जिउ खोमानांबाय। बे हिंसानि जाहोनाव सा 50,000 सो सुबुंफोरा जायगा सोलायनांमोन। बिसोरो आथिखालाव रैखाथि बादायाव थागासिनो दं। मणिपुराव लकसभा बिसायख 'थिया 19 आरो 26 एप्रिलाव मोनै खोन्डोआव जागोन। गोबां सुबुंफोरा दावराव-दावसि जानाय राइज्योआव बिसायख 'थिखौ लानाने सोलु दैखांगसिनो दं। बिसोरनि माखासेआ बे बिसायख 'थिखौ नेवसिनोबो दाबि खालामदों। अनजिमाफोरखौ फोसावनाने गाहाइ बिसायख 'थि

मावख 'गिरि प्रदीप कुमारआ बुंदोंदि, राइज्योआव 20 लाखनि बांसिन भट होग्राफोर दं आरो आइजो भट होग्राफोरनि अनजिमाया हौवाफोरनिखुइ बांसिन। राइज्योनि बिसायख 'थिनि थियारिफोरनि सोमोन्दे सोनायाव प्रदीप कुमारआ बुडोदि, राइज्योआव पेरामिलिटारी फर्सनि 200 निबो बांसिन कम्पानिफोरखौ थिसननाय जादों। गासै राइज्योआव रैखाथिनि राहा खालामनाय जादों। राइज्योआव हिंसानि जाहोनाव रैखाथिनि जिगाफोर दं नाथाय बैफोर जिगाफोरखौ सुखानाय जागासिनो दं। राइज्योआव बिसायख 'थिनि सिगां राजखाथिथियारि दोलोफोरनि पस्टर आरो दैदेनगिरिफोरनि रेलिफोर खुंनाय जायाखै। जायगानि बिसायख 'थि मावख 'गिरिफोरजों लागायजानाय पस्टर आरो हर्डिफोरा नोगोरारिफोरखौ गावसोरनि भट होनायनि मोन्थायखौ बाहायनो खावलायो।

## गिबि मन्थि केजरिवालखौ हमनायनि हेंथायै आपआ जुथायै उपवास धर्ना खालामदों



गोदान दिल्ली, 7 एप्रिल : दिल्लीनि गिबि मन्थि अर्भिन्द केजरिवालखौ हमनायनि हेंथायै आम आदमी पार्टी (एएमपी) आ दिने जुथायै उखेहाब जथुमा खालामदों। आपनि दैदेनगिरि आरो मावफारियाफोरा दिल्ली जन्तर-मन्तरआव जमा जायो आरो रबिबार फुनि 10 रिंगानिफ्राय जुथाइ आपबास प्रगाम खालामदों। बिथांमोनहा जौ गेना-खाथिथाय थांनय 21 मार्चखालि हमनाने

लांनाय गिबि मन्थि केजरिवालौ थाबैनो हगारनांगौ होन्ना दाबि खालामदों। बिसोरनि बायदिब्ला, इडिया केजरिवालखौ नंखाय केसआव फान्दायदों। आपआ एक्सआव मोनसे परस्ट होनाने बुंदोंदि, तानाशाहनि हेंथायै गासै हादतआ खौसे। फै जों जयै हादतनि सासे आंगो फिसानि थाखाय बाश्रा दैखानि। बेनि सिगां आम आदमी पार्टीआव थांनय 26

मार्चआवबो हादतनाडै धर्ना खालामदोंमोन। दिल्लीनि आप मावफारियाफोरा गाहाइ मन्थिनि थाग्रा न'आवबो बेंखनहैनो थादोंमोन। नाथाय बिसोरखौ लामा ससेयाव होबथानाय जादोंमोन आरो पुलिसआ बिसोरनि खायसेखौ बेंखनआव लांदोंमोन। फारसेथि दिल्लीनि बिजेपि आफादगिरि भिरेन्ड सचदेवा आरो पार्टीनि दैदेनगिरिफोरा 'जौजों शिश मेहेल' अभियाननि गेजेरजों आपनि हेंथायै धर्ना खालामो। बिथांमोनहा केजरिवालनि न'नि मडेलखौ दिन्थियो आरो बुडोदि, बेयो दिल्लीनि गिबि मन्थि केजरिवालनि न'नि मडेल। जन्तर-मन्तरआव खालामनाय धर्नायाव आम आदमी पार्टीनि, मन्थि एमएलए, एमपि, गोजौ थाखोनि बिबानगिरिफोरजों लोगोसे गुबुन गुबुन फोथाराव खामानि मावग्रा सुबुं सिबियारि हान्जानि मावफारियाफोरबो बाहागो लायो। आपनि दैदेनगिरि गपाल रायआ फोसामयदोंदि, उत्तर प्रदेश, हरियाणा, सोनाब बंग 'जों लोगोसे हादतनि दर 25 राइज्योफोरनि राजथावनि, जिल्ला आरो ब्लक मावख 'फोरजों लोगोसे गामि आरो सुबाफोरवबो सुबुंफोरा आपनि जानाने उपवास हाबाफारि खुडो।

## भारतआव लम्पी भाइरासनि थाखाय मोनै आलादा आलादा भेरिएन्टआ दायनिगिरि



बेंगालुरु, 7 एप्रिल : थांनय 2022 नि मे दानाव गासै हादतआव 1 लाखनिखुइ बांसिन जुनातफोर थैदोंमोन। बिगियानगिरिफोरनि बायदिब्ला, बेयो मोनसे हादतनाडै अलखदमोन आरो बेखौ लम्पी भाइरासनि दोहौ होन्ना फोरमायदोंमोन। मुलुगाव बेयो 1931 आव गिबि खेब गोसारदोंमोन आरो भारतआव बेनि गोहोमखौ 2019 नि उननिफ्राय नुनो मोन्दों। बेनिखायनो बिगियानगिरिफोरा बे भाइरासखौ सिनायनो हादोंब्लाबो बेनि सायाव जर 'खायै नायबिजिनो हायाखैमोनदि, बेखौ माबोरै होबथानो हागोन। बेखौ नोजोर होनाने बेंगालुरुआव थानाय भारतयारि बिगियान फसंथान (आइआइएससि) नि मोनसे गोबां आफादफोरनि हान्जाना आन्जाद नायोदि, बे बेमारा माबोरै सोमजिनाने गोसरो। नेम-खाथि बायदिदियै नायबिजिनयाव मिबथिनो हायोदि, भारतआव जानाय गोहोमनि थाखाय मोनै आलादा-आलादा भेरिएन्टआ दायनिगिरि। बे नायबिजिनयाव विएमसि जिनमिक्सआव फोसावदोंमोन। मोन 22 नमुनानिफ्राय ऑंखारनाय डिएनएआ आपग्रेट जिनम सिक्भेन्सिंखौ दिन्थियो। थांनय 2022 नि उननिफ्राय गासै 1 लाख मोसौ गायफोरा लम्पी भाइरासनि जाहोनाव जिउ नागारखांबाय। बेनि गोसारनाया 1989 सिमाव लेडइ आफ्रिका ओन्सोलसिम सिमना गोनांमोन। बेनि उनाव खोला एशियाआव गोसारनायनि सिगां गेजेर सान्जा, रासिया आरो गुबुन खोला सान्जा इउरपिय हादतफोरा गोसारनाया जागायो। आइआइएससिनि बायकेमिस्ट्री बिफाननि प्रफेसार उत्पल टटुआ बे गोबां आबादफोर थानाय नायबिजिनया हान्जानि बाहागो। बे टिमआ बेमारिफोरनि जाहोनफोरखौ नायबिजिनो थांखि लादों।

## ताइवानआव शनिबारखालि फिन खनसेबाव बांग्रि मावदों



ताइपे, 7 एप्रिल : ताइवानआव सान्थाम सिगाडावसो 7.4 रिक्टर गोख्रोंथिनि बांग्रि मावदोंमोन। बेनिफ्रायनो बांग्रि मावनायखौ लांथिथ ये मोन्दांथिदों, जायखौ लानाने सुबुंफोरनि गेजेराव गिखानाय सोमजिदों। बे बांग्रियाव गासै सा 13 सुबुंफोरनि जिउ गोमाबाय। फारसेथि सा 600 नि बांसिन सुबुंफोरा दासिमबो बबेबा नडा बबेबा जायगायाव बांग्रिनि जाहोनाव राहा गोथेनाने दड। बेनि गेजेरावनो ताइवानआव बांग्रि मावनायजों बिलिडंआ लुंख्लेंनाय आरो बायग्रबलानायफोरखौ सिमफायनायनि खामानि सोलिबाय थानाय समावनो बांग्रि मावनायखौ गले गले मोन्दांथिबाय थादों। बेनि जाहोनाव लुंख्लेंनाय बिलिडंफोरखौ सिमफायनायनि खामानिखौ दोन्थ 'नाय जायो। ताइवाननि मिडियाआव बेफोर खौरांखौ मिबथिहोदों। मख 'जाथावदि, थांनय बुधबारखालि फैनाय 7.4 रिक्टरनि बांग्रिजों हुवालेन्ड सहराव थांनय गोजा गाबनि 10 थाला बिलिडंआ मोनसे जारिमिनारि सावगारि जानाने थादों। बांग्रिनि जाहोनाव हुवालेन्ड सहरनिफ्राय 25 किल 'मितार गोजानाव थानाय मोनसे मुंदांखा जायगा तारक' नेशनेल पार्कआव सुबुंफोरा गिदिर गिदिर अन्थाइजों होसिनजानाने थादों। बेनि उनाव रैखाथि हाबाफारि लानायनि गेजेरजों पार्कआव थामथि सुबुंनि गोथै सह 'खौ बोखानायनि उनाव थैनायफोरनि अन्जिमाया गासै सा 13 जाहैयो। बिसोरनि अनगायै गुबुन सा 6 सुबुंफोरा दासिमबो गोमानाने दड। ताइवानआव बांग्रि मावनायनि सान्थामनि उनावबो सा 600 नि बांसिन सुबुंफोरा गुबुन गुबुन जायगायाव राहा गोथेनाने थांनदों। बांसिन सुबुंफोरा तारक' पार्कआव गंसे हटेलआव थाथ'दों। बै गिदिर बांग्रि मावनायनि उनाव गले गले गोबां बांग्रि मावनायखौ मोन्दांथिदों। शनिबारखालि सानजौफु समावबो खेबसे बांग्रि फैदों, जायनि गोख्रोंथिखौ 5.2 रिक्टर सुनाने मोन्दों। लांथिथ येनो गले गले बांग्रि मावनायजों सुबुंफोरनि गेजेराव गिखानाय थासा रि सोमजिदों।

## हीथ्रनि रानवेआव गिखंथाव जाब्रथायनिफ्राय बाग 'नो हादों



लन्डन, 7 एप्रिल: ब्रिटेनि हीथ्रि बिरखं गाथोनआव मोनसे गिदिर जाब्रथाय जानायनिफ्राय बाग 'नो हादों। भाजिन आटलान्टिक जेटआ शनिबारखालि हीथ्रि बिरखं गाथोनआव गुबुन गंसे बिरखंजों सौग्रावदोंमोन। बे सौग्रावनाय जाथायाव जेबो रोखोमनि खहा

जानायनि खौरां मोन्नाय जायाखै। भाजिनआ बुंदोंदि, बइं 787-9 आव रावबो दावबायारिफोर गैयामोन। बिरखं गाथोननि टर्मिनेल 3 नि मोनसे स्टेन्डनिफ्राय बोखानाय समाव बेनि उइहिपआ बैयाव दोन्नाय ब्रिटिस एयारवेजनि जेटजों

सौग्रावदोंमोन। इन्टारनेट मिडियाआव परस्ट खालामनाय सावगारिफोराव गंने बिरखंनि साखाथियाव गोबां अर खोमोस्रा ट्राकफोरखौ नुनो मोन्दों। भाजिनआ गावनि बिबुंथियाव बुंदोंदि, जों मोनसे नायबिजिनयाखौ जागायबाय आरो जॉनि इन्जिनियारि टिमफोर बिरखं नि मेन्टेनेन्सखौ नायबिजिनयासिनो दड। बेजों लोगोसे हीथ्रिआ बुंदोंदि, रावबो दावबायारिफोर जोखोम जानायनि खौरां मोन्नाय जायाखै आरो बे जाब्रथायनि गेजेरजों बिरखं गाथोननि मावफुंनयाव जेबो गोहोम गोलैनाय नडा होनाने सुलुडव मिथिहोदों।



गोदान दिल्ली, 7 एप्रिल: बोथोर बिफानआ हादतनि दर 14 राइज्योफोराव अखा आरो दर 8 राइज्योफोराव दुंखावनायनि एलार्ट फोसावदों। बिफाननि बायदिब्ला, केरेला, कर्नाटक महाराष्ट्र, मध्य प्रदेश, तेलंगाना, उरिष्ठा, बिहार, छत्तीसगढ, झारखण्ड, सोनाब बंग, आसाम, सिक्किम, मेघालय आरो अरुणाचल

प्रदेशनि माखासे ओन्सोलफोराव अखा हानो हागौ। बेराफसं गुजरात, गवा, कर्नाटक केरेला, तेलंगाना, अन्ध्र प्रदेश, तामिलनाडु आरो पुडुचेरीयाव दुंखावनाय थासा रि सोलिनो हागौ। सुलुंनि बायदिब्ला, हादतफोरनि माखासे राइज्योफोराव बिदुड 43 डिग्री बारखांबाय। बयनिखुइ बांसिन बिदु 44.5 डिग्रीया अन्ध्र प्रदेशनि

नन्दपालाव रिक्डै खालामदों नैथि नम्बरव अन्ध्र प्रदेशनिनो अनन्तपुर, जेराव शनिबारखालि बिदुड 44.4 डिग्री सौहैयो। हादतयाव केरेला आरो तेलंगानाया बेबादि राइज्यो, जायनि माखासे ओन्सोलफोराव अखा आरो माखासे ओन्सोलफोराव दुंखावनायनि एलार्ट फोसावदों। बोथोर बिफाननि बायदिब्ला, मध्य प्रदेशआव फैगो सानब्रे एबा 7 निफ्राय 10 एप्रिलसिमाव बारहुंखाजों लोगोसे अखा आरो सार-अन्थाइ गोलैनायनि सन्देह दड। बे राइज्योफोराव 30 निफ्राय 60 कि: मि: सिमनि गोख्रेंथियाव बारहुंखा बारनायखौबो हमदांदों। बिहारव दिने दुंखावनाय नडा आरो बैयावनि मोन 16 सहरफोरनि मेक्सिमाम बिदुडाव दावखलायनाय फैदों। आइएमडिआ दुंखावनायखौ लानाने एलार्ट फोसावदों। बेनि सोमोन्दे थांनय शनिबारखालि बिफानआ बुडोदि, उरिष्ठा नि माखासे बाहागोफोरनि अनगायै सोनाब बंगयाव गंगानि खाथि-खाला ओन्सोल आरो झाखण्डनि माखासे बाहागोफोराव 6 एप्रिल आरो 7 एप्रिलाव दुंखावनायनि जाहोनाव सुबुंफोरनि जेनाया बांनो हागौ। बोथोर बिफानआ सान्जा भारतआव फैगो माखासे सांन्जा फारमखौ बांवावनायनिबो बाश्रा बुंदों।

## सन्जय सिंहआ अर्बिन्द केजरिवालानो दिल्लीनि सिएम जागोन होन्ना बुंदों

गोदान दिल्ली, 7 एप्रिल : गोब्राबै जौ गेना-खाथिथाय जेलनिफ्राय बायजोआव फैनाय सन्जय सिंहआ अर्बिन्द केजरिवालखौ दाय गैया होन्ना फोरमायदों। टिअइजों सावरयनायाव सन्जय सिंहआ माखासे गोमोथाव बिबुंथि होयो। जामिनाव तिहाइ जेलनिफ्राय बायजोआव फैनाय सन्जय सिंहआ आथिखालाव गोब्राबै जौ गेना-खाथिनि केसआव बिजेपिखौ दायनिगिरि होन्ना फोरमायगसिनो दड। सन्जय सिंहनि

बायदिब्ला, बे गेना-खाथिनि माखासे साखिखौ बिजेपिनिफ्राय मोन्दों आरो बेखौ बिथा खालामनाने केजरिवालखौ ग्रेप्टर खालामदों। अदेबानि अर्बिन्द केजरिवालनि जायगायाव सुनिता केजरिवालखौ दिल्लीनि सिएम बानायगोन नामा होन्ना सोथि सोनायाव सन्जयआ बुडो, दिल्लीनि सिएमआ अर्बिन्द केजरिवालमोन आरो उनावबो बिथाडनो थायाव थागोन। जों मोनसे

साभें खालामदों, जेराव मिबथिनो मोनोदि, दिल्लीनि नोगोरारिफोराबो अर्बिन्द केजरिवालखौनो दिल्लीनि सिएम जानाने थाजाबाय थानो लुबैयो। बबेखानि साहाय गुपनि चीफ सुब्रत रायनो जेलाव कम्मिउटर आरो इन्टारनेटि सुबिधा होनाय जादोंमोन, जायजों बियो गावनि अफिसखौ सालायनो हागौमोन, जेब्लासिम अर्बिन्द केजरिवालआ जामिन मोना, अब्लासिम सरकार सालायनो थाखाय बिथांआबो बेबायदिनो

सुबिधाफोरखौ मोननांगोन। आम आदमी पार्टीनि लिडरशिपआव जेबो सोलायनाय जानाय नडा होन्ना बिथां सन्जयआ बुंदों। बिथाड अर्बिन्द केजरिवाल, मनिष सिंसदिया आरो इन्ड्रेन्ड जेनखौ थाबैनो जामिन मोनगोन होन्ना मिजिं थिदों। बावैसो सिगां सुप्रिम कर्टआ साखिफोरनि बै बिबुंथिफोरखौ नायबिजिनो बिथोन होयो, जायखौ पिएमएलएनि सेक्शन 50 नि गेजेरजों रेकर्ड खालामो।

सुबिधाफोरखौ मोननांगोन। आम आदमी पार्टीनि लिडरशिपआव जेबो सोलायनाय जानाय नडा होन्ना बिथां सन्जयआ बुंदों। बिथाड अर्बिन्द केजरिवाल, मनिष सिंसदिया आरो इन्ड्रेन्ड जेनखौ थाबैनो जामिन मोनगोन होन्ना मिजिं थिदों। बावैसो सिगां सुप्रिम कर्टआ साखिफोरनि बै बिबुंथिफोरखौ नायबिजिनो बिथोन होयो, जायखौ पिएमएलएनि सेक्शन 50 नि गेजेरजों रेकर्ड खालामो।

सुबिधाफोरखौ मोननांगोन। आम आदमी पार्टीनि लिडरशिपआव जेबो सोलायनाय जानाय नडा होन्ना बिथां सन्जयआ बुंदों। बिथाड अर्बिन्द केजरिवाल, मनिष सिंसदिया आरो इन्ड्रेन्ड जेनखौ थाबैनो जामिन मोनगोन होन्ना मिजिं थिदों। बावैसो सिगां सुप्रिम कर्टआ साखिफोरनि बै बिबुंथिफोरखौ नायबिजिनो बिथोन होयो, जायखौ पिएमएलएनि सेक्शन 50 नि गेजेरजों रेकर्ड खालामो।

## जौनि खर'निफ्राय गनाय खानाय एबा हास'ना गारनाय खानायनि बेसेना बेसेबां नौथाडा मिबथिगौना?

जौनि गेजेराव बांसिन सुबुंफोरानो खर'नि खानायखौं जोथोनै गोलाव लानायनि उनाव माब्लाबा समाव बेखौं गुसुं लानो लुबैनानै हास'नानै गारो। अदेबानि बांसिन सुबुंफोरानो जौनि खर'नि ओरैरो ज'नाय आरो गात्रि जानानै हास'नाय खानायफोरा बेसेन गोसा बेखौं मिबथिया। जौनि खानायनि 1 किल'ग्रामनि बेसेनखौं



खोनायोब्ला नौथाडाबो सोमोनांगोन आरो बेखौं ओरैरो हास'ना गारनो बागोन। जेब्लासिम जौनि खर'नि खानाय थायो अब्लासिम जौं बेखौं बेसेन होनो रोड। नाथाय आथिखालाव सुबुंफोरा खर'नि खानायखौं मोजाडै लाखिनो गोबां नाजासै। नाथाय नाजानायनि गेजेरावबो मोजां जानो रोडब्ला बेखौं हास'नानै गारो। आथिखालाव



न'-न' गिदिनानै मुवा-बेसाद, सि-जोम आरो बायदि मुवाफोरखौं फानहैनयजौं लोगोसे गारनाय खानायनि बदलै रं एबा मुवा-बेसाद होनानै सोलायनानै लांग्राफोरखौंबो नुनो मोनसै। बिसरो न'-न' बुधुमनानै मोन्नाय खानायखौं माखासे जर'खा जायगायाव लानानै फानहैयो आरो बेफोर खानायनो माब्लाबा समाव गुबुन हादतसिमबो



सौहैयो, जेराव बेखौं गोबां बेसेनाव फानाय जायो। नाथाय बेफोर बायदि खानायखौं मा खालामनाय जायो? माखासे रिपर्टफोरव बुंनय जादौदि, 1840 माइथायनिफ्रायनो खर'नि खानायखौं फालांगि खालामनायनि फोरमान मोन्नाय जादौं। बै समाव फ्रान्सनि गुबुन गुबुन गामिनि मेलाफोरव खानायखौं फानाय जायोमोन आरो माखासे



मेलाफोरव हिन्जावफोरा गावनि खर'नि खानायखौं निलामबो खालामोमोन। फिन लासै लासै बे फालांगिया बांबोयो आरो इउरपआव खानायनि गोनाथिया बांबोनो हमदौं। बेनि उनाव गुबुन हादतफोरनि हिन्जावफोरबो खर'नि खानायखौं फान्नो हमो। लासै लासैनो बे खामानिया गिदिर फालांगिन महर मोनो। आथिखालाव

## रासियानि सा 3 दावबायारिफोरा अख्रामा स्टेसननिफ्राय केप्सुलजौं रैखाथियै बहुमाव बागलाय फैदौं

मस्क, 7 एप्रिल: इउक्रेनजौं लोगोसे बोसोरनैनिखुइ बावसिन समनिफ्राय सोलिबोबाय थानाय दावहानि गेजेरजौंबो रासियानि अख्रामा हाबाफारिया सोलिगासिनो दड'। बेजौं रोखायै मितिनो हायोदि, रासियाआ दावहानि गेजेरजौं गावसोरनि गिबिगिरि हाबाफारिफोरखौं दोन्थ'याखै। रासियानि बे हाबाफारिनि जाहोनावनो सा 3 अख्रामा



दावबायारिफोरा हारिमायारि अख्रामा स्टेसननिफ्राय मोनसे केप्सुलनि गेजेरजौं बहुमाव रैखाथियै बागलायफैयो।

अख्रामा स्टेसनाव गावनि मिशननि उनाव सानै आइजो आरो सासे हौवा एबा रासियानि अख्रामा केप्सुलनि

गेजेरजौं शनिबारखालि कजाखस्तानाव सौफैयो। जाय केप्सुलनि गेजेरजौं अख्रामा दावबायारिफोरा बहुमाव बागलायदौं। बेखौं सयुज एमएस-24 केप्सुल मुं होनाय जादौं। बेयाव रासियानि अख्रामा दावबायारि अलेग नभिलस्की नासानि लरल अहारा आरो बेलारुसनि मारिला वासिलिस्काआ गाखोदौंमोन, जाय कजाकस्ताननि सम बादियै

12:17 रिंगायाव सुदुर बागलायसेयावबो नासानि जेजकज्जान सहराव बागलायो। हारिमायारि अख्रामा स्टेसनाव दासिमबो नासानि अख्रामा दावबायारि बेरेट, मेथ्यु डमिनिक, ट्रेसि डायसन, जेनेट एस्प आरो रासियानि अख्रामा दावबायारि निकलाइ चुबु आलेकजेन्डार ग्रीबेनकिन आरो अलेगा कननेन्क आ दहैयो। रासियानि अख्रामा दावबायारिफोरनि बहुमाव

बागलायसेयावबो नासानि बिगियानगिरिआ दासिमबो अख्रामायाव दहैयो। नासानि बायदिब्ला, अहाराआ थानाय 2023 नि 15 सेप्टेम्बराव हारिमायारि अख्रामा स्टेसनआव सौहैदौंमोन आरो बिथाडा बेयाव गासै 204 सान हगारहरबाय। नवित्स्की आरो वासिलिस्काया जागायजेन्नाय बिथांखिन साननै उनाव 23 मार्चआव अख्रामानि थाखाय रावना होदौंमोन।

## रंजालि गथ'फोरनि सौरा

### इथिरि खन्थाइ

फुबिलि मोनाविलि जाबानो नख'रनि मोजानि थाखाय सिजौं बाथौनि गुदियाव सोरां आलारि फोजौं धुप धुना सावफुना गोथार गोसोजौं बिबार बिलाइ होनानै खुलुम नौं

-रैदोम बर',  
माजदिया, बगुलामारि,  
बाक्सा

### सिन्दुर

बिमा बर' हारिनि सिन्दुर हिनजाव माहारिनि गोमा लांदौंमोन बर' बिमा आलाइ सिलाइ जाबायमोन। सिनाया जाबायमोन बिदा फंबाय सारअन्थाय बेरदौंमोन बर' गामियाव श्राव-श्राव गुम-गुम, ग्राम-ग्राम हुम-हुम, हाम-हाम हादौंमोन अखा दामब्रा बोहैलांदौंमोन गोजा थैनि बाना। लोगो लोगो मोदैनि अखा हानानै सुम्रा लांबाय हिन्जाव माहारिनि खाफालनि गोजा सिन्दुरखौं गोमा लांनंबाय मोदोमजौं थाफानाय गहेना। गोमालांबाय गोबां बिदा-फंबायनि सह', बुरैनांबाय गोबां बर' आइजो रान्दि जानांबाय गोबां आयजो। आश्रम खुलिदौं आसामाव बर' हिजावफोरनि दुखुखौं नुनानै मुडा बनि सुवालकुसी नाथाइ बिगुमाया सोर बनि? हे आइ बर' बिमा/अनसाइ हरदौं आइजोफोरखौं थिनहरदौं सिन्दुर फुननो। मोनबाय बर'आ दखरसे बि टि सि गाइसनदौं बर' आश्रम मुं होनो बि टि सि आश्रम॥

मुश्री गलक बसुमतारी  
गामि- सनत्तला  
ला:सो:- जारकना  
जिला- बागसा बि टि सि आसाम।

### अन्नायनि फाख'नाव

अन्नायनि बैथाजौं मोजां मोन्नायनि दिडखौं जावदौंमोन आं नौखौं लानानै गोबांआव रोजासे मिजिं लानानै। लैथो रुगुडव जारौं साननि रिफिनाय दावब' फालो अखरां सायाव, हाब्रां सेर सेर दावमा-दावसानि मेथाइ बेसे गोजोन्थावमोन। नाथाय हालिया आं सौहैनो थांखि याव मेगन गोसा बारहुंखानि सिमब्रेनायजौं थल-थफं गुथालाव गेलेनांबाय। जैरेबो नायहरो नुसया रुगुं थांनो बौरै फैफिनो बौरै हारिया जावनो बैथायानो बायफ्लेबाय। मिथिलिया आं रानथे लिया दाहानि मोदैया नौं मिनिदौं ना गाबदौं।

अमर नाचारी  
गामि-यासालाबारि  
ला:सो:-बैतानापारा  
जिल्ला-सिरां, बिटिसि (आसाम)

### बहा

दिने बहा थांखो आंनि मेगन फैसालियाव रोमै रोमै जाखाफैनाय बै नुथाइफोरा?

गैया माथो दिने मेगन फैसालियाव नुजाफैनाय बै रोमै रोमै नुथाइफोरा?

जाय नुथाइफोरखौं लानानै आंहा माखासे सिमां दंमोन नाथाय दिने बै सिमाड.....

-दिपेन चन्द्र बर'  
रडिया, कामरुप

### आंनि हाबिला

नाजागोन आं सिमां मिजिंखौं, मोकथां महर मोननो....! फोथायगोन आं जेब्लाबो अनज्जायनायनि धोरोरखौं। खौंसेथिनि लामायाव बयखौंबो बजबना लागोन...!! अरायबो फोजाखांगोन बाउलुति बर' बिमारखौं... आंनि हाबिला सिमानिफ्राय मोकथां महर मोनथौं। दै बायदि जिरी जिरी बोहैबाय थाथौं आंनि जिउआ.... गुसु सुदेम बार बायदि गोजोन जाथौं आंनि देहा सोलेरा। मिथिगा बिमाजौं अरायबो गोरोरफाना थानो आं हानायबायदि। बिमा स्वरसथि बायदि गियानि सोलौंथाय सोनो हाग्रा बायदि जानो लुबैयो आं....!!! आंनि साननाय-हनाय मिजिंफोरा मोगथां महर मोनथौं... आंनि हाबिला मोनफ्रोमबो फारफ्रोमबो जाफुंथौं...!!!

मिस सुजुराणि दैमारि

### गोमानाय हारिमु

जौनि हारिमुया गोदो गोबां दावगामोन। नाथाय दा जौनि हारिमुया गोमा लांबाय। रोजा रोजा धोनि सुबुनि नेवसिनायाव रोजा बर' आयजोफोरा गावनि हारिमुखौं नागारनानै गुबुननि हारिमुखौं लाबाय। दिने बर' सुबुआ हारिनि सोलौंथायखौं नेवसिना गुबुन हारिनि सोलौंथाय लाबाय। बर' बिमानि रावआ बेसेन गैया नामा? गोदो बर' जोहोलावफोरा हारिनि थाखायनो जिब गोमानांदौंमोन। नाथाय दा बेनि बेसेनखौं रावबो मोनथिआखै। जाय सुबुआ दिने बर' हारिमुखौं सिबिनो रोड बेयो हारिनि सुथुर।

सनजय बसुमतारी  
गामि- जोंयाफुरि, ला:सो:- रनसायथाम  
जिला- सिरां।

### जों गिया

जों गिया जों गिया थैनायखौं जौंलाय गिया थागिबि मोन्नांगौ मोनथाय दावगामोन मोनथायखौं लाना। दावगा जोहोलाव जोहोलावजो सुथुरनि हँथायै गसंथानो गावनि बैसोमुथिखौं उदां खालामनो। जों रावखौंबो गिया-गिया माब्लाबाबो दाफासय दावहारु हान्जा होसो-सोहो जौनि सुथुरखौं बिखा फोरदाना जालिन् खाफ्राना गिख गोसो जौनि नडा। नागिरगोन नाजागोन सयथिबो जौनि जुजिनायआ देरहासाखा। नोजोरा जेब्लाबो सिगाडव ना सुथुरखौं फेजेनगोन गावखौं फसंगोन अराय होगोन उदां फिफिला जेन्नाय फासयनाय जौनि नडा थैनायखौं जौंलाइ गिदि साना॥

लक्कम नाचारी

(□) १ बिलाइनिफ़्राय)

## मदिनि गेरेन्टिखौ राइज्यो सरकारा वारेन्टि होनानै अरायथा खालामना होगोनः गिबि ...

आयदा फारिन देंखोयाव मोसाना रंजाखानायजों फोसावदिदों। राइजो–राजाफोरनि थुलुंगाखानाय, रंजाखानायखौ नुनानै गिबि मन्थ्रि ऊ हिमन्त बिश्व शर्मांआ आरोबाव आगानसे सिगांबाववनानै बुंदोंदि, गासैबो थाखोनि थाखाय सरकारआ आजावनाय बिथांखिफोरखौ मोनोन्ो हाथावनि बिथायाव साफ्रोमबो असमीयाआ मोनोन्ो हागोन होन्ना राइजो–रजाफोरनो बाश्रा होयो। आथिखालाव १ लाख खामानि गैयैफोरा सरकारि साख्रि, निखावरि नख'रफोरा अरुनदय, रेसन कार्ड, आयुष्मान कार्ड, उज्जला बायदि बिथांखिफोरखौ मोनोन्ो हादों। बिसायख'थिनि उनावनो आद्रा थालानाय मुलाम्फायारिफोरा गासैबो सरकारि बिथांखिखौ मोनोन्ो हागोन होन्नानैबो बाश्रा होयो। फारसेथिं, खामानि गैयैफोरनि गुबुन मोनसे मिर्जिथिजानाय खौरं होन्नानै ऊ शर्मांआ बुंदोंदि, गुबुन गुबुन बिफानयाव आसाम सरकारआ ५० रोजा साख्रि होगोन। बे ५० रोजा साख्रि थिसन्नानै जोबहैयोब्ला आरोबाव १ लाख खामानि गैयैफोरनो सरकारि साख्रि होगोन होन्नानैबो बाश्रा होयो गिबि मन्थ्रि ऊ शर्मांआ। गुबुन फारसे, आइजोफोरखौ बांसिनथारै उद्यगयारि महरै गाव गसंथाहोनो साफ्रोमबो आइजोखौ लाखपटि बाइदेउ खालामगोन होन्ना गिबि मन्थ्रिआ बुडे। आसाम आरो हादतखौ सिगां लांहोनानयनि सार्थयाव, गासैबो थाखोनि सुबुंफोरखौ जौगाखां होनायनि सार्थयाव मदिखौ थामथि खेबनि थाखाय गाहाइ मन्थ्रि महरै बिसायख'नो साफ्रोमखौबो बिथाइ ख़ावलायदों। मदिआ राइजो–राजाफोरनो होनाय गेरेन्टिखौ आसाम सरकारआ वारेन्टि होनानै बेखों अरयथायै खालामना होगोन होन्ना गिबि मन्थ्रिआ बुडे। मदिआ गासैबो हारि–हारिआ, गासैबो थाखोनि अलखदनि लोगो, लामा दिन्थिगिरि होन्नानै साहा बागानानि सुबुंफोरनि थाखाय सरकारि साख्रिखौ ३ जौखोन्दो सैरेखाथि होदों होन्ना गिबि मन्थ्रि ऊ शर्मांआ बुडे। लोगोसेनो बिजाथि कामाख्या प्रसाद तासाखौ गोबां भटयाव देरहाहोनो ख़ावलायो। फारसेथिं खौरंगिरिनि सोंथिनि फिन्नायाव गिबि मन्थ्रि ऊ शर्मांआबो बुंदोंदि, कंग्रेसनि बाश्राखौ फोथायनो नाइ, सान्दा मोन्नायनि थाखाय रं गैया होन्ना बुडे। गिबि मन्थ्रिआ हेलिकप्टर गाखोयोब्ला सोंखारिप्रा कंग्रेसनि दैदेनगिरिआ राइजो–रजानिफ़्राय सान्दा बोखानानै हेलिकप्टराव गाखोलानानै बिसायख'थि फोसावदिडे। कंग्रेसहा रोजा–रोजा कौटि रं दइहोन्नानैबो गिबि मन्थ्रिआ बुडे। फारसेथिं, बिजेपिआ बिसायख'थियारि नेमखान्थिखौ फेलें खालामाजासे खान्थिनि बिथायाव गोग्गो आरो सैथोयै बिसायख'थि फोसावदिदों होन्नानैबो खौरं बिजोंनि सिगाण्डाव बिथाइ बुडे। मख'नो गोनांदि, गाहाइ मन्थ्रि मदिआ काजिरइयाव हर थानानै ओन्सोलनि गासै बिथिंखौ लानानै नायसंलांदों होन्ना मख'नानै बेनि साखाथिफोराव थानाय दरफ्रोमबो ओन्सोलनि लामा बायदिफोरखौ लुनाय जागोन होन्नानैबो गिबि मन्थ्रि ऊ शर्मांआ बुडे। दिनैनि बे गेदेर बिसायख'थियारि मेलयाव गिबि मन्थ्रि ऊ हिमन्त बिश्व शर्मांखौ हेफाजाब होदों मन्थ्रि पियुष हाजरिका, बारा' मन्थ्रि आरो बिजेपिनि बकाघातनि इन्सासं बिस्मिता गगैजों लोगोसे बिजेपि, अगप, सन्मिलित गनसक्टि आसामनि गुबुन गुबुन थाखोनि दैदेनगिरि–मावफारियाफोरा।

गुबुन फारसे बकाघात बिधान सभा बियाबनि बिहर सहा बागान गेलेमु फोथाराव खुंनाय बिजेपि जुथाय दोलोनि बिसायख'थि मेलयाव माखासे हेफाजाबगिरिफोरखौ लानानै मन्थ्रि अटुल बराया बाइक रेलि खुंनाने फैदों। बे गेदेर बिसायख'थि मेलयाव गिबि मन्थ्रि ऊ हिमन्त बिश्व शर्मानि बाहागो लाफैफानि काजिरइ लकसभा बियाबआव एनडिओनि देरहानायखौ जोबोद गोख्रों खालामनौ होन्ना अगपनि आफादगिरि अटुल बराया बुडे। जुथाय दोलोनि बिसायख'थियारि मेलफोराव राइजो–राजाफोरनि गोसो–गोबौजों बाहागो लाफैनायाव थुलुंगाखानानै आसामनि दर १४ लकसभा बियाबआव जुथाय दोलोआ जेन्नाय नइ बेनिनो फोरमान होदों होन्नानैबो अगपनि आफादगिरि अटुल बराया बुडे।□

## बाक्सायाव बि पि एफनि बिजाथि खाम्फा बरगयारिआ बिसायख'थि फोसावदिदों

बिटिसिनि रजखान्थिआ आदाला। बेबायदि बिबुंथिखौ दिनै बाक्सा जिल्लानि कामारदैसायाव कक्राझार लकसभा बियाबनि बिपिएफ दोलोनि बिजाथि खाम्फा बरगयारिआ बिसायख'थि फोसावदिंनाय हाबाफारियाव बाहागो लानानै होदों। बाक्सा जिल्लानि कामारदैसाजों लोगोसे माखासे जायगायाव बिसायख'थि फोसावदिनानै बिपिएफनि बिजाथि खाम्फा बरगयारिआ बुंदोंदि, जोंहा जेबो मोगा–मोगि जानांगौ गैया, गोबां भटनि फारगथियाव देरहागोन। जौजों लोगोसे गासैबो हारि–हारिसाफोरा दइ होन्नानैबो बिथाइ मख'दों। खाम्फा बरगयारिआ बुंदोंदि, बिटिसियाव मोनसेल' राजखान्थि दोलो दइ; बेनो जाबाय बिपिएफ। बिटिसिनि थागिरि, गासैबो हारि–हारिसानि गाहाइ, सान्थौगिरि सान्थौगिरिफोर साननो–हनो हनाय, राइजो–राजाफोरा जौनि राजखान्थि मोन्थाय, इयनुखौ दाफुंनाय राजखान्थियारि मोन्थाय आरो बिबानखौ जौनो गथायनांगौ होन्ना राइजो–राजाफोरनिंसिम ख़ावलायनानै बिपिएफनि बिजाथि खाम्फा बरगयारिआ बुंदोंदि, बाक्सा जिल्लयााव गोख्रोंथारै जौनि बिसायख'थि फोसावदिंनाया सोलिगासिनो दइ। गामिफोराव जौनि फोसावदिंनाया सोलिगासिनो दइ। लोगोसेनो गामियारि गासैबो हारि–हारिसानि राइजो–राजाफोरा ओंखारबोनानै बिपिएफआव हाबफैदों। जौनि बादायलायनाया रावजोंबो लोगोसे गैया। इउपिपिएलआ जौनि थाखाय फेक्टर नइ। मुसलमान, बर', असमीया, नेपालि, सुत्रधर, कच राजबंसि दरफ्रोमबो गामियावनो आलादा रजखान्थि दोलोआ गैया होन्नानै दाबि खालामो। बावैसोयाव बिटिसिनि गाहाइ मावफुं सोद्रोमा प्रमद बर'आ फेगौ सानाव नांगोलनि सावगारियाव बिसायख'थि बादायलायनो बिजाथि ओंखारनाय नइ होन्नायखौ लानानै खौरंगिरिनि मोनसे सोंथिनि फिन्नायाव खाम्फा बरगयारिआ बुंदोंदि, बिसोर २० निफ़्राय २५ जौखोन्दो बर' हारिनि भट मोनगोन। गुबुन हारिनि राइजो–राजाफोरा भट होन्ना नइ। मख'नो गोनांदि, खाम्फा बरगयारिआ दिनै कामारदैसाजों लोगोसे कक्लाबारि, बन्गवा, सान्तिपुर, दाउथाय, गलागाव, गधुलिगाव, जालाह, शिलबारि, बरगरा, राबां, सिमला, साम' हाथाइयाव बिसायख'थि फोसावदिंनाय हाबाफारियाव बाहागो लाफैदों। दिनैनि बिसायख'थि फोसावदिंनाय मेलयाव खाम्फा बरगयारिखौ हेफाजाब होदों बिपिएफनि गागि दैदेनगिरि तानेश्वर बसुमतारि, हितेश बसुमतारि, शंकर बसुमतारिमोनजों लोगोसे माखासे दोलोयारि दैदेनगिरि–मावफारियाफोरा। दिनैनि कक्राझार बियाबनि बिपिएफनि बिजाथि खाम्फा बरगयारिनि बिसायख'थि फोसावदिंनाय मेलयावनो माखासे सुबुंफोरा बिपिएफ दोलोयाव हाबफैदों।

गुबुन फारसे, दिनै कक्राझार लकसभा बियाबनि तृनामुल कंग्रेस कमिर्टिनि बिजाथि गौरि शंकर शरनियाआबो सालबारि महकुमानि साडउरभिता, भकुमारि, कालपानि आरो मानासनि साखाथि ओन्सोलिफोराव खुंनाय बिसायख'थि मेलयाव बिबुंथि होनारै इउपिपिएल, बिजेपि, कंग्रेस आरो बिपिएफजों लोगोसे एमपि नब' कुमार शरनियाखौ बायदि रोखोम सोंखारिनाय बिबुंथि होयो। तृनामुल कंग्रेस कमिर्टिनि बिजाथि गौरि शंकर शरनियाआ थागोन। माखासे दोलोयारि दैदेनगिरिफोरखौ लोगोसे लानानै सालबारि महकुमायव बिसायख'थि फोसावदिदों।□

## गसाइगावआव सान ५ नि बिहु मोसानाय ...

थानाय ख्रौसेथिनि दौलेंखौ गोक्र्रों खालामनायजों लोगोसे जाखंफुनाय गोदान जोलैनो बिठुनि सोमोन्दै ज्ञान होनायनि थांखिजों खुंनाय बे मावबादायाव गुबुन–गुबुन फ़रायसालि–फ़रायसालिमानि गोबां फ़रायसुलिफोरा बाहागो लायो। ओन्सोलनि कल नथ ब्लाबनि लांगोनोनाय गेवलां अख्रॉनि सिइव थानाय ३१ मार्चनिफ़्राय खुंनाय बे मावबादायाव फकिगप्रामनिफ़्राय हंख्रायनानै लाबोनाय बिहवति लक्ष्मी सिंह आरो गिनि हान्जाया फुंरंथाय होयो। गसाइगाव मिरु रहालि बिहु खुंफुं आफादनि आफादगिरि ऊ दिनेश दास, हंख्रायजानाय आलासि फारियै गसाइगावनि गथ'सा बिथांखि जौगाखां बिबानगिरि बरषा रथ, महकुमा आबाद जौगाखां बिबानगिरि समिता दत्त मोननि नुजाथिनायाव दिनै बेलासियाव खुंनाय जोबथा हाबाफारियाव सोलोंसाफोरा बिहु मोसानानै दिन्थिफुडे। बे हाबाफारिनि सिगां खुंफुं आफादनिफ़्राय हंख्रायजानाय आलासिफोरखों लोगोसे फोरंगिरिफोरखौ गांफ़ा–गांफ़ा बिहु फालिजों बरयनाय जायो। हंख्रायजानाय आलासिफोरा गावसोरनि बिबुंथियाव मावबादनि गोनांथिनि सायाव बेसेन गोसा बिबुंथि होनायजों लोगोसे मावबादा खुंनायनि थाखाय खुंफुं आफदनिंसिम साबायख'र जासियो। बे हाबाफारियाव सोलोंसाफोरनो गांफ़ा–गांफ़ा फोरमान बिलाइबो रनानै होयो। गोबां दिथागिरि, गाहाम अन्साइगिरि राइजो–राजा आरो बान्जाय आफादनि मावथिफोरा बाहागो लानाय बे मावबादाखै दैदेनो बान्जाय आफादनि नेहाथारि शंकर चौधुरीआ।□

## एबसुनि नारसिन्नायजोंनो वाइल्डलाइफआव ...

समाजारी थासारि, उन्दै बैसोआव हाबा जानाय आरो खोमसि फोथायनायनिफ़्राय हारिया खहा जानायनि सायाव गुवारै बिबुंथि लाखियो। बिटिअरनि सिमा बारयनाय आरो बिटिआर गोरोबथ्याजों सनितपुराव हानि जेनाखौ आबुडे सुखानार्यनि सायावबो गुवारै बिबुंथि लाखिनानै एबसुनि नारसिन्नायजोंनो वाइल्डलाइफआव थानाय सनितपुरनि बर'फोरबो हानि फोरमान बिलाइ मोनसिगोन होन्नानै गावनि बिबुंथियाव दाजाबदेरनानै बुंबावो। बेबादिनो, सा टैकियाजुलि दख'र एबसुआबो गावनि आफादनि आवथायाव थानाय लांदांफारा गुदि फ़रायसालियाव गामियारि संग्रांथि मेल रुदें। बेयावबो गाहाइ आलासि महरै बाहागो लाबबो मिरु एबसुनि मानगोनौ बुंथिगिरि अंबित नाजरीया। मोनैबो हाबाफारियावनो सनितपुर जिल्ला एबसुनिफ़्राय फारियै नेहाथारि बगामिग मोसाहारा, रमेन बसुमतारि, सानसुमा नाजरीयै, लोगो बुंथिगिरि आदिम स्वर्गियारी, सोलेंथाइ नेहाथारि रिजय बसुमतारि आरो लोगो थुनलाइयारि नेहाथारि सिमांसा बसुमतारिआ।□

## कंग्रेसनि गाहायाव गोग्लैनायनि जाहोना गेना–खान्थि–आरो ...

खान्थि, जाख्ल'नाय आरो मोजं खुंथायनि आंखालनि थाखाय बिसोरनि एमपिनि अन्जिमाया ४८ सिम बाइइ जालांदों। सन'वालआ बुडेदि, फेगौ बिसायख'थियाव कंग्रेस दोलोनि मासिनि अन्जिमाया आरोबाव बाइइ जानानै सा २०–२५ ल' थाहैगोन। राइजोआरि रं जाख्ल'नाय, गेना–खान्थिजों नांथाबनाय, नख'रारि बिथानि रजखान्थि फोसावनाय आरो बोखावलु हारियारि रजखान्थि खालामनायनि अजद देखानानै सन'वालआ तकंग्रेस दोलोखौ गोख्रों रावजों सोंखारियो। बिथाइ बुडेदि, कंग्रेसआ ६० बोसोर खुंथाय गोहोयाव थानानै मोनप्रोमबो बिथिइव फेलें जादों आरो राइजो–रजाफोरा थि महरै बोख्त्लायदों। “कंग्रेसआ ६० बोसोरनिफ़्राय हादतआव खुंथाय सामब्लायदोंमोनब्लाबो मोनफ़्रोमबो बिथिइव देलिभारि होनो हायासै। गावआरि बाहानायनि थाखाय राइजोआरि रंखौ बाहायनाय, गोबां कौटि गेना–खान्थि, जाख्ल'नाय, नख'रारि बिथानि रजखान्थि, बोखावलु, हारियारि रजखान्थिआव मुखुब दइ'मोन। कंग्रेसआ धोरोन आरो हारिनि मुखव हादत बोखावदोंमोन। बेनि थाखायनो राइजो–रजाफोरा बिसोरनो साजा होनानै गेहोनिफ़्राय बोख्त्लायदोंमोन।” मिरुनि मन्थ्रिआ गाहाइ मन्थ्रि नरेन्द्र मदिनि दैदेन्नायखौ बाख्त्नायनानै २०१४ माइथायाव बिबान सामब्लायनायनि उनाव गोबां खोेन्देयाव गोख्रैयै जौगाथाय लाबोनायनि सायाव गुवारै फोरमायथिनानै होयो। बिथाइ हारिखौ दावगालांहोनो थाखाय गंसे थि आरो दावगाथाय गोनां सरकारनि गोनांथिनि सायाव फोरमायथिनानै थामथि खेबनि थाखाय गाहाइ मन्थ्रि नरेन्द्र मदिखौ हेफाजाब होनो थाखाय राइजो–राजाफोरखौ ख़ावलायहरो।□

## माहारियारि राजा–लामानि साखाथियाव थानाय धाबायाव...

शइकियानि दैदेन्नायाव पुलिसनि मोनसे हान्जाया कालझाराव ३१ नं. माहारियारि राजा–लामानि साखाथियाव थानाय मतिहारि मुंनि धाबा गंसेयाव सुरां पेट्र्लियाम जाथोनि थाव नागरिनानै सिप्रोमनाय हाबाफारि लादोंमोन। पुलिसआ बे हाबाफारियावनो धाबानि उनथिंजाय दोन्थुमनाय गोबां बिबानि सुरां पेट्र्लियाम जाथोनि थावखौ बोखोंदों। लोगोसे सुरां पेट्र्लियाम जाथोनि थाव दोन्थुमन्रा ड्राम, गेलान, पाइघ बायदिफोरखौबो पुलिसआ बोखोंदों। मख'नो गोनांदि, ३१ नं. माहारियारि राजा लामाजों हान्था मेला खालामनाय पेट्र्लियाम जाथोनि थावनि टेंकारनिफ़्राय सुराडैः दोन्थुमनाय थावनि आइन बरेखा फालांगि गोबाव समनिफ़्राय सोलिबाय थादोंमोन धाबानि बिगोमाया मख'नो गोनांदि, सुरां पेट्र्लियाम जाथोनि थावनि आइन बरेखा फालांगिखौ मटिहारि थाबानि बिगोमा आनेसुर रहमानआ खारसोनानै थानायाव खौरं सुजुनायसिमाव पुलिसआ दार्यनिगिरिखौ हमनो हायाखैब्लाबो धाबानि सानै मावसुमाफोरखौ पुलिसआ हमदों।□

## चिरांनि पानवारियाव आइ पि एलनि सानै जुवारु हमदों

सानै जुवारु। सोलिफु आइपिएल एबा इन्डियान प्रिमियार लीगनि मुखव जुवा खेला होनानै पुलिसनि आखाइयाव हमजादों सानै जुवारि। पानवारि थानानि पुलिस बिबानगिरि सादन दत्तनि दैदेन्नायाव मोनसे हान्जाया हमनो मोनदों सानैबो मोनदोनि सिडसे आन्दो सुलुंनि बिथाजों सिप्रोमनायाव पानवारि थानानि सिडसे थानाय ३ नं गरायमारिनि आबु बाक्कार सेक आरो १ नं बेटबारिनि बिपिन साहा मुंनि जुवारिखौ हमदों पानवारि पुलिसआ। जुवारिनि आखायनिफ़्राय गनै मबाइल फन बोखानो हादों पुलिसआ। मिथिनो मोन्नाय बादिब्ला पानवारि पुलिसआ जुवानि हेंथायै गोख्रों हाबा मावगोन।□

## कक्राझार दख'रा एबसुनि बैसागु मोसानाय आरो ...

२०२४ अक्ट'निफ़्राय ०७ एप्रिल, २०२४ अक्ट'सिम मावबादा लानायखौ दिनै फोजेब्जय। बे हाबाफारिखौ खोला कक्राझार दख'रा दुलाराय बर' फरायसा आफादनि आफादगिरि निजोम गयारि बिथानि मासि लानायनि गेजेरजों कक्राझार जिल्ला दुलाराय बर' हारिमु आफादनि आफादगिरि सोमदोन औवारि बिथाइ बेखेवना होयो आरो दुलाराय बर' फरायसा आफादनि हारिमु नेहाथारि सुसिल इस्लारी बिथांइ गाहाइ आलासि महरै बाहागो लाना गोबां बेसेनगोसा बिबुंथिनि गेजेरजों सोलेंथाइजों लोगोसे हारिमुखौबो फोथांना लाखिनांगोन होन्ना सोलोंसाजों लोगोसे राइजो–राजाखौ ख़ावलायो। बे हाबाफारियाव बाहागो लाफायो दुलाराइ बर' फरायसा आफादनि लोगो हारिमु नेहाथारि बुड्डिराम बसुमतारि, उदालगुरि जिल्ला दुलाराय बर' फरायसा आफादनि बारग' हारिमु नेहाथारि आरो मुंदांखा देखोगिरि कैलास बसुमतारि, दुलाराय बर' फरायसा आफादनि बारा' रंगिरि ११ नं बावखुंघ्रि बियाब टिसिएलसिसिनि मासिगिरि सन्जय मार्जारी, कक्राझार जिल्ला ट्य़यबेल संघनि बारग' आफादगिरि, सख्रमनि ब्रह्म कक्राझार जिल्ला दुलाराय बर' हारिमु आफादनि मावबादा नेहाथारि, जिबिसर बरगयारि, फोरंगिरि महरै बाहागो लानो हायो दुलाराय बर' फरायसा आफादनि बारग' हारिमु नेहाथारि, दिलिप नाजारीरि आरो राजेन्द्र ब्रह्म बिथांजों लोगोसे बिथानि लोगोफोर आरो मेहेरगोनांसिन खालामो हालामनि राइजो–राजा मेलेमजिबि सोलेंसा बिथामेनहा।□

## नारायणपुरआव थामथि बाक्सा जिल्ला उसु जास ट्रेनिं आरो...

फराफारि बिलाइनि आन्जादआ जानानै थाडे। बे आन्जादआव बाक्सा जिल्लानि बेन्दोंआव थानाय सा जिनें गोख्रों गेलेगिरिफोरा जिरायदोंमोन। बे आन्जादआव आन्जाद सामलायगिरि महरै नुजाथिदोंमोन कस आरो नेसेनेल जास (उसु एस'सियेसन अफ इन्डिया) टिंकु चन्द्र ब्रह्म, कस आरो नेसेनेल जासजों लोगोसे गाहाइ नेहाथारि बाक्सा जिल्ला उसु एस'सियेसन दानसोरं दैमारी आरो बाक्सा जिल्ला उसु एस'सियेसननि आफादगिरि रैमोम बसुमतारि लोगोसे बाक्सा जिल्ला गेलेमु बिफाननि मावख'थारि गणेश बसुमतारि बिथामेना। मिथिनो मोन्नाय बायदिब्ला, जायफोर गेलेगिरिफोरा बे आन्जादआव उश्रिसार जानो हागोन बेनिफ़्राय सा बा गेलेगिरिफोरखौ सायख'नानै राइज्यो थाखोनि जास ट्रेनिं आरो फोरमान फराफारियाव दैधाइहरनाय जागोन। लोगोसे बाक्सा जिल्ला उसु एस'सियेसननि गाहाइ नेहाथारि दानसोरं दैमारीआ मिथिनो होबावनाय बायदिब्ला देल्लाय बोसोरनि थाखाय गोदानै गेलेनायनि फोरेंथाइ लाहोनो थाखाय मुं थिस्ननाय हाबाफारियाबो सोलिगासिनो थानायनि बाश्राखौ फोरमायो।□

## डिब्रुगड़आव बिजेपिनि दोलोनि गोख्रों फोसावदिंनाय हाबाफारि

माखासे बिसायख'थि मेला बाहागो लादों मन्थ्रि बरुवाआ। डिब्रुगड़नि खवां गजपुरियाआव खुंनाय बिजेपिनि आसाम प्रदेशनि मोनसे सुबु मेलाव बाहागो लायो मन्थ्रि बरुवाआ। डिब्रुगड़नि पथालिबाम साउरा लाइन गेलेग्रा फोथाराव खुंनाय मेलाव मन्थ्रि बरुवाआ बाहागो लानानै राइजो–राजाफोरखौ थांखिनानै बुडेदि, बे खेबाव ४ लाख भटनि फारगथियाव सर्वानन्द सन'वालआ देरहागोन। बरेखा हान्जाया मब्लाबाबो देरहाया होन्ना फोरमायो मन्थ्रिआ। गुबुन फारसेथिं, जयन्त मल्लबरुवाआ बरेखा हान्जाखौ सोंखारिनानै बुडेदि– ‘लुरिन्न्यति गगैआ फारनै खुगा दइ’। फारसेथिं हारियारिबादनि बाश्रा बुडे, गुबुन फारसेथिं सा ८५५ मुंख्ल'फोरनि थाखोय बेले–बेजे जानाय कंग्रेसजों जुथायै बिसायख'थि गेलेयो। बरेखा हान्जाया जेसेबां बाश्रा बुइ थानो जेबो खामानिखौनो मावनानै दिन्थिफुंनो हायाखै होन्नानै फोरमायो मन्थ्रि बरुवाआ। बे सुबु मेलाव सर्वानन्द सन'वालखौ देरहाहोनो थाखाय राइजो–राजाफोरखौ ख़ावलायहरो मन्थ्रि जयन्त मल्लबरुवाआ।□

## सानसेयारि बड'सा खौरां बिलाइनि गाइसनगिरि आरो समाज सिबियारि रुंसारि चिन' ...

रुंसारि चिन' बसुमतारिनि होलांनाय बिहोमाखौ मान होनानै आरो अराय गोजौरै लाखिनायजों लोगोसे बिथानि गोसोखांथि महरै बिथानिनो आंगो फिसाज्ला गारखोदाव बसुमतारि आरो नख'रनि सोद्रोमाफोरनि हेफाजाबजों भाउलागुरि स्पर्टस क्लाबनि बान्जायनायाव गिबि खेबनि थाखाय क्रिकेट बादायलायनाय खुंनाय जादों। रुंसारि चिन' बसुमतारिनि आंगो गामि काशिकत्रा भाउलागुरि गामिनि गेवलां गेलेग्रा फोथाराव थानाय २२ मार्चनिफ़्राय जागायनाय बे क्रिकेट बादायलायनायनि जोबथा एबा फाइनाल बादायलायनायखौ दिनै खुंनाय जायो। एम्पायार महरै सान्तना मोसाहारि आरो तृदिप मुसाहारिनि सामलायनायाव दिनैनि जोबथा एबा फाइनाल मेचखौ काशिकत्रा रोदा जांगिला इलेभेन आरो बइइगाव ज' ज' जिम्मि हान्जानि गेजेराव बादायलायो। जोबथा बादायलायनायाव काशिकत्रा आरजे इलेभेन हान्जाया गिबि बेटिं खालामनानै बइइगाव ज' ज' जिम्मि हान्जानि हेंथायै १५ अभारआव १५० राननि टार्गेट होदोंमोन। नाथाय काशिकत्रा आरजे इलेभेन हान्जानि होनाय राननि टार्गेटखौ खालामनो हायैआव बइइगाव ज' ज' जिम्मि हान्जाया फाइनाल बादायलायनायाव जेन्नाडे आरो काशिकत्रा आरजे इलेभेन हान्जाया देरहासार टृफिखौ आवग्रिनो हायो। दिनैनि जोबथा बादायलायनायनि गिबि हाबाफारि बायदियै फुंबिलि समाव रुंसारि चिन' बसुमतारिनि सावगारियाव मान बाउनाय हाबाफारिखौ मावफुडे। रुंसारि चिन' बसुमतारिनि सावगारियाव बिबार बाउजेनो बिथानिनो आंगो बिसि रुपालि बसुमतारिजों लोगोसे फिसाज्ला गारखोदाव बसुमतारि, बिहामजो फामे बसुमतारि, फिसाजो चिनारि बसुमतारि आरो बिथानि बिनानावफोरजों लोगोसे फारि फारियै बिबार बाउबो आलासि महरै बाहागो लाफैनाय १३ नं चिरां दुवार बिटिसि बियाबनि एमसिएलए अमर बसुमतारि, बारग' एमसिएलए मावथि ब्रह्म हाज'वारि आरो ओन्सोलनि गोबां मेलेमजिबि बासुसुमैफोरा। बेनि उनाव हाबाफारियाव आलासि महरै बाहागो लानानै फाइनाल मेचखौ बेखेवनानै होयो १३ नं चिरां दुवार बियाबनि एमसिएलए अमर बसुमतारिआ आरो बाहागो लाफायो बारग' एमसिएलए मावथि ब्रह्म हाज'वारि बिथाइ। बान्था रान्नाय हाबाफारियाव गाहाइ आलासि महरै बाहागो लानानै दिनैनि जोबथा क्रिकेट बादायलायनायनि रानासंआप हान्जा बइइगावनि ज' ज' जिम्मि हान्जानो टृफिखौ गथायनानै होयो दुलाराय बर' फरायसा आफादनि गाहाइ नेहाथारि कनिन्द्र बसुमतारिआ आरो देरहासार जानो हानाय काशिकत्रानि रोदा जांगिला हान्जानो बान्थाखौ गथायनानै होयो रुंसारि चिन' बसुमतारिनि आंगो बिसि रुपालि बसुमतारिआ। लोगोसे बान्था महरै देरहासार हान्जा काशिकत्रानि रोदा जांगिला हान्जानो टृफिजों लोगोसे नोगोद ३० रोजा रं आरो रानासंआप बइइगावनि ज' ज' जिम्मि हान्जानो टृफिजों लोगोसे नोगोद २० रोजा रनि बान्था गथायो।

मख'नाय जायोदि, बै समाव बर' हारिनि गेजेराव खौरां बिजोंनि गोनांथिखौ मोन्दानानै बेनि आंखालखौ फोलोमनो थाखाय गिबियाव आर'नाय दानसेयारि लाइसि आरो उनाव 'बड'सा' खौरां बिलाइखौ दिहुन्नानै हारिनि गेजेराव खौरां बिजोंनि जांख्रिथाइ लाबोजेन्नाय बर' राव, थुनलाइ, हारिमु गेलेमु, समाजयारि गासै बिथिइव मैखोमै बिहोमा होबोनाय चिन' बसुमतारिआ थानाय २०१५ माइथायनि २९ डिसेम्बरआव रुंसारि जालांदोंमोन। हारि आरो समाजनि थाखाय बिथानि होलांनाय बिहोमाखौ मान होनानै बिथानि गोसोखांथियाव गिबि खेबनि थाखाय खुंनाय बे क्रिकेट बादायलायनाया जाफुंसारै जोबलाडे। बे क्रिकेट बादायलायनायाव आसामनि गुबुन गुबुन ओन्सोलनि मोन ३२ क्रिकेट टिमफोरा बाहागो लादोंमोन। बे हाबाफारियाव रुंसारि चिन' बसुमतारिनि अन्सुलि बिसि रुपालि बसुमतारि, फिसाज्ला गारखोदाव बसुमतारि, फिसाजो चिनारि बसुमतारि, बिथानि बिनानावफोर आरो नख'रनि सोद्रोमाफोरजों लोगोसे ओन्सोलनि गोबां मेलेमजिबि सानसुमै आरो राइजो–राजाफोरा बाहागो लादोंमोन।□

## हाग्रानि मैसोनि गाग्लोबनायाव कक्राझार आरो चिरां जिल्लानि सानै सुबुंनि जोखोम


जानायजों लोगोसे चिरां जिल्लानि इसलाख़ाता गामिनि सेभेन नाजरीरि (४०)आ गोब्राबै जोखोम जायो। हाग्रानि मैसोनि गाग्लोबनायाव मेहुं बसुमतारिनि उदै सिंनि अंगफोरा बायह्यायाव ओंखारबोदोंमोन आरो बिथानि देहानि थासारिया गोब्राबमोन होन्नानै मिथिनो मोन्नाय जादों। गामिनि राइजो–राजा आरो नख'रनि सुबुंफोरा फोरमायनाय बादिब्ला बेलासिनि ४.३० रिंगायाव गामियाव हाग्रानि मैसो हाबफैनायखौ होसोहरनो थानायाव बे जाथाया सोमजियो। गुबुन फारसेथिं, हाग्रानि मैसोनि गाग्लोबनायाव गोब्राबै जोखोम जानाय मेहुं बसुमतारिखौ गोब्राब थासारियाव कक्राझार रुपनाथ ब्रह्म देहा फाहामसालियाव तिसन्हैयोब्लाबो देहा फाहामगिरिआ गुदि फाहामथाय होनायनि उनाव जौगा थाखोनि फाहामथायनि थाखाय कक्राझार फाहामथा फरायसालिमा देहा फाहामगिरियाव दैथायहो। हाग्रानि मैसोआ दासिमबो हलदिबारि ओन्सोलाव उदाडै गिदिंबाय थानाया ओन्सोलिनि राइजो–राजाफोरनि गेजेराव गिखांनाय थासारि सोमजिदों। हाग्र्रा बिफाननि मावथिफोरा जाथायथिलियाव नुजाथिहैनानै हाग्रानि मैसोखौ ट्रेंकुलाइ खालामनो थाखाय दासिमबो नाजगासिनो दं। गुबुन फारसेंनि, बे हाग्रानि मैसोआ सानजौफु माव कक्राझार आरो चिरां जिल्लानि सिमनानि लाउथि माथावरिआव हबनानै चिरां जिल्लानि साहा बासबारिनि सेभेन नाजरीरिनि सायाव गाग्लोबनायनि जाउनाव बिथाइ गोब्राबै जोखोम जायो। हाग्रानि मैसोजों गाग्लोबजानाय सेभेन नाजरीरिनि देहानि थासारिया गोब्राब होन्नानै मिथिनो मोन्नाय जादों।□

## तामुलपुराव दिलिप शइकियानि हेफाजाबाव इउपिपिएलनि बान्जायनायाव बाइक रेलि खुंदों

जुथाय दोलोनि बाहागो थानाय इउपिपिएल दोलोआबो जर'खा हाबाफारि खाडे। मख'नो गोनांदि, तामुलपुराव ४ नं. दरं–उदालगुरि लकसभा बियाब एनडिएनि सायख'जानाय बिजाथि दिलिप शइकियानि हेफाजाबाव तिनिफुखुरियाव तामुलपुर जिल्ला इउपिपिएल दोलोआ गोजोन आरो जौगाखांनार्यनि खौरां लानानै मोनसे बाइक रेलि खुंदों। साननि ११:०० रिंगायाव बाइक रेलिखौ हाबाफारि बायदियै तामुलपुरनि एमएलए जलेन दैमारिआ बेखेवना होदों। बिथाइ बेखेवना होनानै बुंदोंदि, २०२४ नि हादतनि सयनस्त्रा बिसायख'थिनि उनाव इउपिपिएल दोलोनि अराय समनि बरेखा दोलो बिपिएफआ थानाय नंलिया। गासैबो दैदेनगिरि–मदतगिरिफोरा जौनि दोलो इउपिपिएलआव हाबफैगोन। फारसेथिं बारा' मन्थ्रि बिपिएलनि मोनसे समनि दैदेनगिरि चन्दन ब्रह्मआ इउपिपिएल दोलोयाव हाब

## 'बड़े मिया छटे मियां' सावथुननि रिलिजनि सिगां नोंथाडा बेफोर मुंदांखा सावथुनफोरखौ नायनो हागोन

बलिउडनि मुंदांखा फावखुंगुर अक्षय कुमार आरो टाइगर श्रफनि 'बड़े मिया छटे मियां' सावथुना सुबुंफोरखौ गोबां सावरायजागासिनो दड। नायगिरिफोरा गोबाव सम सिगांनिफ्रायनो बे सावथुननि रिलिजखौ गोसो गुदुडै नेगासिनो दं। टाइगर श्रफ आरो अक्षय कुमारनि जगखौ गिबि खेबनि थाखाय बे सावथुनाव नुनो मोनगोन। बे सावथुनाव बिथांमोननि माखासे एक्शनजों लोगोसे बिथांमोननि ब्रमेन्सनि सोमोन्दोखौबो नुनो मोनगोन। जुदि नोंथाडा ब्रमेन्सनि



सोमोन्दोनि सायाव बिथा खालामनाय सावथुनफोर आरो वेब सिरिजफोरखौ नायनो मोजां मोनो, अब्ला 'बड़े मिया छटे मियां' सावथुननि रिलिजनि सिगां नोंथाडा बलिउडनि माखासे मुंदांखा क्लासिक ब्रमेन्स

सावथुनफोरखौ नायनो हागोन। साउथनि मुंदांखा फावखुंगुर जुनियर एमटिआर आरो राम चरणनि 'आरआरआर' सावथुना रिलिज जानाय लोगो लोगो मुलुगनाडै नो मोनसे दोहौ सोमजिखौहोदों मोन। बे

सावथुनाव ब्रमेन्सनि सोमोन्दोखौ जोबोद मोजाडै दिन्थिनाय जादों। बलिउडनि मुंदांखा फावखुंगुर ऋतिक रशन आरो टाइगर श्रफनि 'वार' सावथुनाव दिन्थिनाय ब्रमेन्सनि सोमोन्दोखौबो सुबुंफोरा दिनैसिमबो बावनो हायाखै। बे सावथुननि गिबि बाहागोआव टाइगर श्रफ आरो ऋतिक रशनखौ र'नि एजेन्ट महैर जयै खामानि मावनाय नुनो मोन्दों मोन। बे सावथुनाव बिथांमोननि गेजेराव मोनसे सोमोनांथाव ब्रमिन्सनि सोमोन्दोखौ नुनो मोन्नाय

जादोंमोन। आमिर खान, आर माधभन, शरमन जशी आरो करीना कापुरनि '3 इडियट्स' सावथुना 2009 माइथायनि बयनिखुडुबो सावसिन फालांगि खालामनो हानाय सावथुनमोन। बे सावथुनाव साथाम इन्जिनियारिं फरायनाय फरायसाफोरनि गेजेरनि ब्रमेन्सनि सोमोन्दोखौ दिन्थिनाय जादोंमोन। 1995 माइथायाव रिलिज जानाय 'करण अर्जुन' सावथुना नायगिरिफोरनिप्रय गोबां अन्सायनाय मोनो हदोंमोन। बे सावथुनाव बलिउडनि मुंदांखा फावखुंगुर शाहरुख खान आरो सलमान खाननि गेजेरव ब्रमेन्सनि सोमोन्दोखौ नुनो मोन्नाय जादोंमोन। बे सावथुनाव गिबि खेबनि थाखाय बिथांमोननि जगखौ नुनो मोन्नाय जादोंमोन।

## गाहाम देहानि राहा

### इउरिक एसिडखौ सामलायनायाव प्यासआ बेसेबां गोहोम गोनां मिथिनानै ला

जेब्ला देहायाव इउरिक एसिडनि बिबाड बांनो हमो अब्ला बेये देहानि अंगफोराव गात्रि गोहोम खोखैयो। जर'खायै इउरिक एसिड बांनायनि जाहोनाव नोंथाडा देहायाव बुनाय, जरायाव सानाय, किडनीनि बेराम आरो लिरथाय बांनय बायदि गोबां जेनाफोरजों मोगा-मोदि जानांनो हागौ। बेबादि थासारियाव मुलिफोरनि अनगायैबो बारायनाय इउरिक एसिडखौ सामलायनो थाखाय नोंथाडा प्यासखौ बाहायनो हायो। (1) प्यासआव गोबां बिबांनि फलेट, मेनेसियाम, फसफरास, बिबांनि प्युनि थायो। बेयो



भिटाविन इ मोन्नाय जायो। बेजों लोगोसे बेयाव एन्टि अक्सिडेन्ट आरो एन्टि इनफ्लेमेटरि गुनफोरखो मोन्नाय जायो। बेफोर गासैबो गुनफोरा मेटाबलिज्मखौ बांहोनायै इउरिक एसिडखौ सामलायनायाव मदद खालामो। (2) प्यासआव जोबोद बाडइ बिबांनि प्युनि थायो। बेयो

इउरिक एसिडनि थाखोखौ बाडइ खालामनायाव मदद खालामो। (3) नोंथाडा उदै खालिआव सामब्राम गोजानि रोसिखौ लोडोब्ला नोंथांनि देहानि इउरिक एसिडखौ सामलायनायाव हेफाजाब मोनगोन।

## करिना खानआ 'कू' सावथुननिफ्राय गावनि फेभरेट मेथाइखौ फोरमायदों



बलिउडनि मुंदांखा फावखुंगुर करिना कापुर खानखौ गोबां समावनो गावनि गोसोनि

सान्नायफोरखौ फोरमायबाय थानाय नुनो मोन्नाय जायो। आधिखालाव बिथांजोनि 'कू'

सावथुना जाफुंसारनो हदों। बे सावथुना नख 'रारि' बक्स अफिसजों लोगोसे मुलुगनां थाखोआवबो जाफुंसार जानो हदों। सावथुना नख 'रारि' बक्स अफिसआव 800 कौटिनिबो बांसिन रानि फालांगि खालामबाय आरो बे सावथुना मुलुगनां टारगैटआव थाबैनो 100 कौटि रानि फालांगि खालामनो थांगासिनो दड। बे सावथुनाव साथाम एयारहस्टेसफोरनि

सल 'खो' दिन्थिनाय जादों। बे सावथुननि 'नैना' मेथाइयाव दिलजीत दिशान्स आरो करिना कापुर खानखौ जयै नुनो मोन्नाय जादों। बे मेथाइयाव करीना कापुर खाननि स्टाइलआ सुबुंफोरनि गोसोखौ बोनो हदों। बावैसो सिगां सासे अन्सायगिरिआ करीना कापुर खाननियार 'कू' सावथुननिफ्राय बिथांजोनि फेभरेट मेथाइआ बबेआ होन्ना सौदोंमोन। बेनि फिन्नायआव बिथांजोआ 'नैना' मेथाइनिफ्राय गावनि सावगारिखौ शेयार खालामदों आरो केषानआव 'दिलजीत गर्ल' अरायनि थाखाय 'होन्ना लिरदों। बेजों लोगोसे फावखुंगुरिआ 'कू' सावथुननि तब्बुखौ जंखायनाय मोनसे नुथायखौ गावनि फेभरेट सीन होन्ना फोरमायदों।

## 'फेमिली स्टार' सावथुना मोजाडै फालांगि खालामनो हदों



साउथनि सुपारस्टार भिजय देबरकन्डा आरो बलिउडनि मुंदांखा फावखुंगुरि मृणाल ठाकुरनि 'फेमिली स्टार' सावथुना रिलिज जानाय लोगो लोगो दोहौ सोमजिहोदों।

सुबुंफोर सावथुननि सव' आरो स्टार कास्टखौ जोबोद मोजां मोन्दों। बे सावथुना आधिखालाव गोबां सावरायजागासिनो दं। बे सावथुननि गेजेरजों भिजय

देबरकन्डा आरो मृणाल ठाकुरखौ गिबि खेबनि थाखाय फेसालियाव स्मन्स खालामनाय नुनो मोन्दों। बिथांमोननि गेजेरनि केमेस्ट्रीखौ नायगिरिफोर जोबोद मोजां मोन्दों। आधिखालाव 'फेमिली स्टार' सावथुननि रिलिजनि उनाव बे सावथुननि गिबि साननि फालांगिनि अनजिमायाबो सोराडाव फे दों। 'फे मीलिल स्टार' सावथुना नायगिरिफोरनिफ्राय मोजां अनसायनाय मोनगासिनो दड। सावथुना रिलिज जानायनि उनावनो बक्स

अफिसआव जोबोद मोजाडै फालांगि खालामनो हदों। सक्निनलकनि रिपर्टनि बायदिब्ला, सावथुना गिबि सानाय गासै भारतआव 5.75 कौटिसो रानि फालांगि खालामदों आरो आधिखालाव नैथि सानाय सावथुना 4 कौटि रानिबो बांसिन रं आरजिनो हदों। बे सावथुनाव भिजय देबरकन्डा आरो मृणाल ठाकुरजों लोगोसे दिव्यान्शा कौशिक, अजय घष आरो भासुकी बायदि फावखुंगुरफोरखौ फाव खालामनाय नुनो मोन्दों।

## रणबिर कापुरनि एआइ जेनेरेट सावगारिफोरा सोराडाव फेदों

'एनिमेल' सावथुननि उनाव बलिउड फावखुंगुर रणबिर कापुरनि स्टारडमआ जोबोद बांदों। सुबुंफोरा बे सावथुनाव बिथांनि राउडी, राफ एन्ड टफ लुकखौ जोबोद मोजां मोन्दों। 'एनिमेल' सावथुननि जाफुंसारनायनि उनाव रणबिर कापुरआ आधिखालाव 'रामायण' सावथुनाव खामानि मावनो थांगासिनो दड। 'रामायण' सावथुना गोबां सावरायजागासिनो दड। अन्सायगिरिफोरा बे सावथुनाव रणबिर कापुरखौ भगवान रामनि फावआव नायनो थाखाय गोसो गुदुडै नेगासिनो दं। बे सावथुनाव फावखुंगुरखौ गिबि खेबनि धोरोम सिबिनाय आखुआव नुनो मोनगोन। सावथुनजों सोमोन्दो थानाय गोबां




आपडेटफोरा दासिम सोराडाव फेखांबाय। अन्सायगिरिफोरा बे सावथुनाव भगवान रामनि गेटअफआव रणबिर कापुरनि गिबि लुकखौ नायनो थाखाय गोसो गुदुडै नेनायै थागासिनो दड। बेबादि थासारियाव फावखुंगुरि आ माखासे सोमोनांथाव एआइ जेनेरेट सावगारिफोरा सोराडाव फेदों। अन्सायगिरिफोरा सिगां रणबिर कापुरखौ गिबि खेबनि थाखाय श्री रामनि फावआव

नुनानै गोजोन्नाय मोन्दोंमोन, नाथाय बे खेबाव बिथांनि यध्दा लुकखौ बेफोर नुजाथिनाय सावगारिफोराव नुनो मोन्नाय जादों। बे सावगारियाव रणबिर कापुरखौ वारियर रामनि गेटअफआव नुनो मोन्नाय जादों। फावखुंगुरखौ गावनि खाफालाव चन्दननि गिदिर फोथा थुनानै बोरेला गावनाय नुनो मोन्दों। सुबुंफोरा रणबिर कापुरनि बे एआइ लुकखौ बाखायदों।

बलिउडनि मुंदांखा फावखुंगुर जितेन्द्र आ आधिखालाव 7 एप्रिलखालि गावनि 82थि जेनोम सानखौ फालिदों। बिथाड 50 बोसोर बैसोनिबो बांसिन समसिम बलिउडआव खामानि मावदोंमोन। आरो आधिखालावबो बिथांखौ पिट आरो कुल नुनो मोन्नाय जायो। जितेन्द्रखौ बलिउडआव 'डन्सिंह' नि ट्रेन्डखओ जागायजेन्नायनि थाखाय बिथांनि मुंखौ 'जामपिंग जेक

## बलिउडनि फावखुंगुर जितेन्द्रखौ 'जामपिंग जेक' मुडै मिबथिनाय जायो

अफ बलिउड 'दोन्नाय जादों। 'फर्ज' सावथुननि 'बार बार ये दिन आये' मेथाइयाव जितेन्द्रखौ फावखुंगुर बबबिता आरो गुबुन बेकग्राउन्ड मोसागिरिफोरजों लोगोसे गोखोडे मोसानाय नुनो मोन्नाय जादों। बे मेथाइखौ रोजाबगिरि महाम्मद राफीआ रोजाबदोंमोन। 'नेनो मे सपना' मेथाइआ 1983 माइथायनि सावथुननि दोंसे मेथाइ, बे



मेथाइखौ आधिखालावबो गोसोखांबाय थानाय जायो।



जितेन्द्र आरो श्रीदेभिखौ बे मेथाइयाव नुनो मोन्नाय

जान्दोंमोन। बे मेथाइखौ बाप्पी लाहिडीआ सुजुदोंमोन आरो इन्दीभारआ लिरदोंमोन। जितेन्द्रआ 1970 माइथायनि 'हामजोली' सावथुननि 'दल गया दिन' मेथाइयाव लीना चन्द्रावाकारजों लोगोसे मोसादोंमोन। बे मेथाइयाव बिथांखौ बेडमिन्स गेलेनाय समाव लीना चन्द्रावाकारजों मोसानाय नुनो मोन्दोंमोन।

## सनालि बेन्डीया गावखौ सासे आउटसाइडार बायदि मोन्दाडो



बलिउडनि मुंदांखा फावखुंगुर सनाली बेन्डीया 90 जौथाइफोराव गावनि फाव दिन्थिनायजों सुबुंफोरनि गेजेराव दोहौ सोमजिहोदोंमोन। बिथांजोआ

गोबां हिट सावथुनफोरखोबो खामानि मावखोबाय। नाथाय बिथांजोआ आधिखालावबो गावखौ सासे आउटसाइडार बायदि मोन्दाडो। टाइम्सनो होनाय मोनसे मोगा-

मोगियाव बिथांजोआ एसेबां सम बारहोनायनि उनावबो गावखौ सासे इनसाइडार सुबुं बायदि मोन्दांनो हायाखै होन्ना फोरमायदों। फावखुंगुरिया बुंदोंदि, आं ओरैबायदि नख 'रनिफ्राय फेदों जेराव बयनिबो प्रफेशनआ सोल्लोंथाइ बिथिडाव। आंनि बिफाया सासे सरकारि साखि मावग्रा सुबुं बेनिखायनो जों बोसोरनैनि उन उन दाबसे जायगानिफ्राय गुबुन दाबसे जायगायाव ट्रेन्सफार जाबाय थानो गोनां जायोमोन। सनाली

बेन्डीया बुंदोंदि, सावथुननि सेटआव बयबो गावजों गाव सिनायलायोमोन नाथाय आं सासे आउटसाइडारमोन। आधिखालावबो, जेब्ला 'बहल' सावथुनफोरनि सोमोन्दै रायज्जायनाय जायोमोन अब्ला आं गावखौ सासे आउटसाइडार बायदि मोनो। आधिखालाव आंनि फिसज्जला रणबीरआ गुबुन हादतआव सोल्लोंथाइ लागीसिनो दं, बेनिखायनो आं जॉनि प्रडाक्शनआव गोसो होनो हदों।

जम्मु-काश्मीर, 7 एप्रिल : जम्मु-काश्मीरनि पुलिसनि स्पेशल अपारेशन ग्रुप (एसअजि) आ उतरखारिफोरनि हेंथायै गोदानै गोहो आजवाना लादों। जम्मु-काश्मीरनि स्पेशल अपारेशन ग्रुप, जाय गोबाव सर्मनिफ्रायनो उतरखारि होबथानाय हाबाफारिफोराव गाहाय बिफाव लागीसिनो दड, आधिखालाव बेनि गोहोखौ माखासे गुण बांहोबावनानै पुलिस आइजो जवानफोरखौबो सोफाबाय। बे गोदान थांखिया उतरखारिफोरनि हेंथायै दावहायाव मोनसे मख 'जाथाव थांखि महैर फोरमान जागोन। बे आइजो

जवानफोरनि गिबि गुपखौ जम्मुआव थिसनबाय। बे गुपआव गासै सा 8 आइजो एसअजि जवानफोरखौ सोफादों, जायफोरखौ जर'खा बुलेटग्रुप व्हीरलजों लोगोसे डिप्लाय खालामदों। थांनय माखासे समाव ओरैबायदि खाबु फेदों, जेब्ला रैखायि एजेन्सिफोरा अपारेशननि समाव आइजो जवानफोरनि गोनांथिखौ मोन्दाडो। नाथाय अब्ला बिसोर जेबो खालामनो हाया। बेनि अनगायै आइजो दायनिगिरि आरो अजिडाब्लिउएसखौनो उतरखारि फसंथानफोरनि गेजेरजों बाहायगासिनो दड।



बेबायदियाव बे आइजो जवानफोरा उतरखारिफोरनि थांखिनि सायाव दै लुनाने उतरखारिफोरनि अलखद महैर फोरमान जागोन। बे आइजो एसअजि जवानफोरनो 3 दाननि

जर'खा इन्टेन्स ट्रेनि होनाय जादों, जेराव उतरखारि होबथानाय अपारेशन, जांगल वारफेयारजों लोगोसे सत्य ल एन्ड अर्डाखौ मेन्टेन खालामनायनि स्पेशल ट्रेनिड दंफायो। लोगोसे बेखौ गोदान मुगानि हाथियारफोरजों लेस खालामदों। आइजो जवानफोरनि डिप्लायमेन्टजों लोगोसे बिसोरनो नाका डिउटि आरो अपारेशनल डिउटिबो गथायदों। बे स्टेपजों जम्मु-काश्मीर पुलिसआ आइजोफोरखौ गोहो गोरा खालामनाय फारसे मोनसे मख 'जाथाव बिहोमा होदों।

## राजेश खान्नाया बिसायख'थि बादायनायनि उनाव राजखान्थिनिफ्राय गावखौ गोजान खालामदोंमोन

बलिउडनि सुपारस्टार राजेश खान्नाया 1991 माइथायाव कंग्रेसनि जानानै बिजेपिनि रोंगथि गोनां दैदेनगिरि लालकृष्ण आडवाणीनि बेरेखायै लक सभा बिसायख'थि

बादायदोंमोन। बे बिसायख'थियाव बिथाडा जेन्नादोंमोन। लाल कृष्ण आडवाणीआ गान्धी नगरनिफ्रायबो बिसायख'थि बादायदोंमोन। बेबादि थासारिआव बिथाडा गोदान



दिल्लीनि मासिखौ नागारदोंमोन। राजेश खान्नाया उफ्रा बिसायख'थियाव नैथि खेब खाबु मोन्दोंमोन। बिथाडा गावनि स्टारडमनि हेफाजाबजों

बिसायख'थिखौ देरहानानै सासे एमपि जानो हदोंमोन। 1996 माइथायाव बिजेपिनि बिजाथि जगमहनजों जेन्नायनि उनाव राजेश खान्नाया कंग्रेसनि सासे

मुंदांखा फोसावगिरि जानानै थादोंमोन। नाथाय बिथाडा दोलोनिक्राय जेबो मासि मोनाखैमोन। बेनिखायनो बिथाडा राजखान्थिनिफ्राय गावखौ गोजान खालामदोंमोन।

लोगोसे बिसोरनो नाका डिउटि आरो अपारेशनल डिउटिबो गथायदों। बे स्टेपजों जम्मु-काश्मीर पुलिसआ आइजोफोरखौ गोहो गोरा खालामनाय फारसे मोनसे मख 'जाथाव बिहोमा होदों।

## अनिल आम्बानीनि देरसिन फिसाज्ला अनमलआ 2000 कौटिनि कम्पानी बानायदों

गोदान दिल्ली, 7 एप्रिल: फिसाज्लाफोरनि फालांगि सामलायनार्यनि उनाव अनिल आम्बानीनि फालांगिया जौगाफिनो हमदों। देरसिन फिसाज्ला जय अनमल आम्बानीआ गावनि बिजनेसनि नेटवार्थखो 2000 कौटि रनिखुइबो बांसिन सौहैहोदों। जापानी कम्पानी निपनजों रदाय खानायनि उनाव बिहा लयरी नाडे। मोनसे समाव बिसिन गहेना फान्नाने गावनि फालांगिखो रेखा खालामनायाव नांथाबनाय अनिल आम्बानीआ 1023 कौटिनि बँकनि लनखो सुख'बाय। बिन बिहामजो कृशाआबो नख'रखो आबुडै सापर्ट खालामगासिनो दड'। कृशा शाहआ गावनि गोहोजों कौटि रनि फालांगि फसंदों। दुइसिन फिसाज्ला जय अंशुल



आम्बानीआबो बिजनेसआव आबुडै सापर्ट खालामगासिनो दड'। नाथाय बिन मोजां मोन्नाया आलादा। अदेबानि अनिल आम्बानीनि दुइसिन फिसाज्ला जय अंशुल आम्बानीआ लाइमलाइट आरो पेपाराजिफोरनिफ्राय जानगराव थानानै मोजां मोनो। बियो गावनि दुनियायावनो रंजा-बाजा

थायो। मुलुगनि फे मास एजपकेशनेल इन्स्टीटुटनिफ्राय सोलॉंथाय लानाय अंशुलआ फेमिलिजों लोगोसे सम हगारनो मोजां मोनो। बियो आमेरिकान स्कुलनिफ्राय बेचलरेट प्रग्राम खालामदों। बेनि उनाव निडयार्क इडनिभासिडिनि स्टार्न स्कुल अफ बिजनेसनिफ्राय बेचलर डिग्री लायो। बिथाड रिलाइन्स

म्युचुएल फाण्ड आरो रिलाइन्स केपिटेलनि बिबान सामलायनाने फेमिलि बिजनेसखो सापर्ट खालामगासिनो दड। बियो गावनि बिमा टिना आम्बानी आरो बिफा अनिल आम्बानीजों लोगोसे सि भिन्ड्याव थानाय न'यावनो थायो। टिअआइयाव फोसावनाय रिपर्टनि बायदिब्ला, अनिल आम्बानीखो जागायजे न्नायनिफ्रायनो लाइफस्टाइलाव लाक्जार् कस्सा खालामनायनि थाखाय मिथिनो मोन्नाय जायो। बिन फिसाज्ला जय अंशुल आम्बानीआबो बिफानि बिथोनानो सोलिगासिनो दड'। बिथोनियाव लाग्जारी कारफोरनि गोबां कालेक्सन दड'। मिनियाव मार्सिडिज, लेम्बर्गिनि गेलोर्ड रूस् रयस फेन्टम, रेज रभार वग आरो लेक्सास एस्इडिभ कारआ दंफयो □

## इज्राइलआव गाहाइ मन्थि बेन्जामिनखो बोखारनांगौनि दाबिजों सुबुंफोरा गोखों धर्ना होदों

तेल अभिब, 7 एप्रिल : इज्राइलआ फारसेथि हामास आरो गुबुन उतखारिफोरजों दावहा नांगसिनो दड। गुबुन फारसेथि हादतनाडे सरकारनि बेरेखायै धर्ना होनाया गोखोंसिन जानानै फेदों। फिन खेबसेबाव धर्ना होग्राफोरा गाहाइ मन्थि बेन्जामिन नेतन्याहुखो बिबान एंगारनांगौ होना दाबि देखांनानै लामायाव ऑखारना धर्ना होदों। बेजों लोगोसेनो हामासजों सोलिबाय थानाय दावहानि गेजेरावनो हादतआव थाबेनो बिसायख'थि खुंफुनांगो होनाबो दाबि खालामदों। बेफोरनि अनगायै धर्ना होग्राफोरा हामासआ गावसोरनि बेखनआव लांजाय सुबुंफोरखो रेहाय खालामनांगौ होननाबो खालायदों। खौरनि बायदिब्ला धर्ना होग्राफोरा समबारखालि



तेल अभिब, केसरिया आरो हाइफानि लामायाव ऑखारनाने बेनार लायै लायै गोखों धर्ना खालामदों। बिसोरो जों गया, जोंनि हादतखो सिलिंखार खालामबाय आरो जों बेखो मोजां खालामनो हास्थायो होन्नानै स्ल'गान होयो। बिसोरो बे'खनआव लांजाय सुबुंफोरखो ताबुटआव (गोथे सह'सोरा बाकसु) नायनो लुबैया बिसोरखो गोथां एबा जिड गोनां थासारियाव नांफिनगौ होन्नाबो दाबि देखांदों। मख'जाथावदि इज्राइल सान्थिनि गोखों नाजानायनि उनावबो माखासे बेखनआव लांजाय माखासे सुबुंफोरखो रेखा खालामनो हानाय जायखै। बेनिखायनो बे'खनआव लांजाय सुबुंफोरनि नख'रा सरकारनि सायाव गोखोडै नारसिनगासिनो थादों।

हाइपायाव धर्ना होग्राफोरा गाहाइ मन्थि बेन्जामिनखो दायनिगिरि होन्नाने बिथानि सरकारखो फेलें सरकार होन्ना स्ल'गान होदों। धर्ना होग्राफोरा लानाय बेनारफोरव फिन बिसायख'थि जाफिननांगौ होन्ना लिरनाय दडमोन। इज्राइल पुलिसनि मोनसे फिन्यायनि बायदिब्ला शनिबारखालि तेल अभिबआव सरकारनि बेरेखा रेलि खालामनाय समाव सासे पुलिसखो आखायजों सौनाय आरो जोखोम खालामनायनि दयाव सासे धर्ना होग्राखो ह्यो। पुलिसआ धर्ना होग्राफोरखो लामायाव धर्ना होनाय समाव मुवाफोरखो अर सावना होनो नाड होन्नानै सांग्रांथि होदों। गाहाइ मन्थिनि सायाव बिबान नागरनांगौ होन्ना नारसिन्थाय होनाया बांबेदों। मानोना बिथानि सरकारनि हँथायै गासै सा 100

हामासजों बे'खनाव लांजायफोरनि नख'रा खोसे जानानै गांरसेयै दाबि देखांदों। मख'जाथावदि, गाजायाव इज्राइलजों दावहा जानायनि सिगांबो जेना गोनां बिजिरनाय खांनिथखो फोसावनांगौनि दाबिखो लानानै गाहाइ मन्थि बेन्जामिननि हँथायै गोबां दानसिम धर्ना होदोंमोन। इज्राइलआ रबिबार फुंनि समाव सान्जा लेबावनि बेका हायेनआव उरां जाहाजजों गाग्लोबदों। बे समाव हिजबुल्लाया गंसे इच'इलनि डूनखो गावखलायनो हादों। इज्राइल सान्थिया सिरियानि सिमना साखाथियाव थानाय जनता गामियाव हिजबुल्लानि गंसे ट्रेनिं होग्रा के म्पखो थांखिनानै गाग्लोबदों होन्ना सुलुडव फोरमायदों। □

## भारतनि थाखाय दावहारु जाहाजआ रासियानिफ्राय फैगासिनो दड



गोदान दिल्ली, 7 एप्रिल: भारत आरो रासियानि लोगोआ रावबो हादतखोनो दनखोमानो हाया। बे समाव आरो मोनसेबाव माइल खुन्थिया खालामनो थांगासिनो दड। नंगुबैयाव पिअके सिमनायाव पाकिस्तानआल'गियो। नाथाय रासियानिफ्राय फैनाय मोनसे खौरंखो खोनानानै चीनआबो थारैनो जिंगा सिगोन। अदेबानि भारतआरि नेभिफोरा गंने गिखंथाव दावहारु जाहाजखो रासियानिफ्राय मोनसिगोन। रासिया-इउक्रेन दावहानि जाहोनाव बे जाहाजफोरनि डिडिभारीआव गोबाव जादों नाथाय रासियानि सायाव होबथानायनि गेजेरजों मदि आरो पुतिनआ गोरोबलायनानै गोदान लामा दिहुनबाय आरो फैगौ माखासे दानफोरनि गेजेराव भारतआ दावहारु जाहाजखो मोन्नो जागायसिगोन। बे दावहारु जाहाजआ लैथोमानि दोहौनिफ्राय लानानै अखां आरो दै सिडवबो सुथुरफोरखो फोजेबखंगोन। बेबादि गंसे दावहारु जाहाजआ लैथोमायाव सा 10 सुथुरफोरखो लेरेन्स होनो हागोन। बे जाहाजआ लैथोमायाव दैन सिं आरो बाराव थानाय सुथुरफोरखो सिलिंखार खालामनो थाखाय सुपारसनिक मिसाइलजों लेस। लोगोसे गोलाव जान्थाइसिम नोजोर लाखिग्रा राडार, सेन्सर्स आरो सलारनि अनगायै गोखों हाथियारफोरखो थागोन। अदेबानि बेयो टलवार थाखोनि दावहारु जाहाज। आथिखालाव गंने जाहाजआ रासियानिफ्राय फैगासिनो दडआरो रासियानि मदतजों गंने दावहारु जाहाजफोरखो भारतआव बानायगासिनो दड'। गान आरो मिसाइलफोरजों लेस गोनां बेयो गिदि-गिदा खालामनो हाग्रा मोनसे दावहारु मेशिन बायदि, सुथुरफोरजों सेलेन्स खालामनो थाखाय बेयाव इलेक्ट्रिक वारफेयर सिस्टेम दड'। साबमेरिफोरखो मैहुर खालामनो थाखाय बेयाव टरपिड आरो गन्टी साबमेरिन स्केटजों लेस खालामनाय दड। बेयो राडारखोबो सेलेन्स होनो हायो आरो बेयाव गंसे हेलिकप्टर लाखिनानि जायागो दड। □

## उत्तर प्रदेशनि सासे हिन्जावसानि साहजखो महिन्द्र ग्रुपनि शेयारमेनआ बाख्नायदों

गोदान दिल्ली, 7 एप्रिल : महिन्द्र ग्रुपनि शेयारमेन आनान्द महिन्द्रआ शनिबारखालि उत्तर प्रदेशनि सासे हिन्जावसानि गोखों साहज दिन्थिनायखो जोबोद मोजां मोन्दों। बे हिन्जावसाया एलेक्सनि मदत लानानै गावखो आरो गावनि बिनानावखो मोखानि गाग्लोबनायनिफ्राय रेखा खालामनो हादोंमोन। आनान्द महिन्द्रआ गावनि कम्पानियाव बै हिन्जावसानो साखनि अफार होदों। मख'जाथावदि, बे हिन्जावसाया बरिस्त जिल्लानि 13 बोसोर बैसोनि। बियो साहज आरो गावनि रंग'थिखो दिन्थिनानै एमाजननि भासुयेल भइस एसिस्टेन्ट एलेक्साखो बाहायनानै मासे मोखाखो सिगिनो हादों आरो गावनि बिनानावखो मोखानिफ्राय रेखा खालामनोबो हादों। बे जाथायनि सायाव फिनजाथाय होनानै आनान्द महिन्द्रया गावनि मावख'यारि एक्स हेन्डेलआव बुंदोंदि, जॉनि मुगानि गाहाइ सोंथिया बेनोदि, मा जों गोनोखोनि बान्दा जागोन एबा स्वामी। सासे हिन्जावसानि सल'आ जोंनि गोसोखो गो जोनरगलायहोयोदि, गोनोखोया जेब्लायबो सुबुंथिनि रंग'थिखो बांहोवाय थालांगोन। बिन गुबै सान्दाथिया सरसन्धा नडमोन। बिथाड बुंबावदोंदि,



हिन्जावसाया आबुडै सांग्रा जानो हायै मुलुगआव गावनि रंग'थिनि गोहोखो दिन्थिदों। गावनि सोलॉंथाइखो आबुडै लानायनि उनाव बियो जायखि-जाया समावनो कर्परेट

## रासियानि मोन्ने गाग्लोबनायफोराव सा 7 सुबुंफोरनि जिड गोमादों



विभव, 7 एप्रिल: इउक्रेनि नैथि बयनिखुइ देरसिन सहर खाकिवयाव रासियानि खेबने गाग्लोबनायफोराव शनिबार फुं आरो सान्जौफुयाव सा 8 नोगोरारिफोरनि जिड गोमायो आरो खमैब्लाबो सा 10 जोखोम जायो। बेयावनि रिजनेल अफिसारफोरा बेनि खौरं होदों। गाग्लोबनायनि सोमोन्दै फोरमायनानै इउक्रेनि माहारियारि पुलिसआ बुडोदि, बे गाग्लोबनायखो डूनजों खालामदोंमोन। रिजनेल अफिसारफोरा रासियानि सान्थिफोरा मिसाइलफोर आरो बम बाहायदों होन्ना बुंदों। पुलिस आरो जायगानि बिबानगिरिफोरा सहरनि लामाफोर आरो बिल्डिंफोरनि लांगोनायाव अर नांनयनि सावगारिफोरबो फोसावदों। खाकिवनि मेयर इहर तेरखवआ टेलिग्राम मेसेजिं एपयाव फोरमायोदि, थानाय शनिबार फुंसिमाव शेवचेनफिक्की जिल्लयाव हराव गाग्लोबनायाव सा 6 सुबुंफोरनि जिड गोमायो आरो सा 10 सुबुंफोर जोखोम जायो। बेनि उनाव थैनायफोरनि अनजिमाया बानानै सा 7 जायो। बेराफासं मिडिया रिपर्टयाव बुडोदि, स्ट्राइकआ हर गेजेरनि

मुलुगआव खामानि मावनायनि थांखि लायोब्ला महिन्द्र राइसआव जों बिखो लोगोआव सरजाबनो थाखाय गनायथि होनो हागोन होन्ना आसा खालामो होन्नाबो बुडो। □

## खोला चीन लैथोमायाव आमेरिकाजों लोगोसे दरब्रै हादतफोरा नेभिफोरनि जुथाइ हुदा खालामदों

मनिला, 7 एप्रिल: आमेरिका, जापान, अस्ट्रेलिया आरो फिलिपाइन्सआ रबिबारखालि खोला चीन लैथोमायाव गोहो दिन्थिनो थाखाय गावसोरनि गिबि जुथाइ नेभिफोरनि हुदा खालामगोन। खोला चीन लैथोमायाव नाइबिजिरनायजों सोमजिनाय अलखदिनि गेजेरजों जानो गोनां जुथाइ हुदायाव पानडुब्बो साबमेरिन होबथाग्रा दावहानि ट्रेनिं आबो थाफागोन। चीनआ दासिमाव बेनि सायाव जेबो बिबुंथि होयाखै। गावसोरनि रेखाथि गाहाइफोरनि फासंनिफ्राय थांनय शनिबारखालि फोसावनाय जुथाइ बिबुंथियाव दरब्रै हादतफोरा बुडोदि, दरब्रै हेफाजाबगिरि आरो रेखाथि हान्जाफोरा गोजोन आरो दिदोमथि भारत-प्रशान्त ओन्सोलाव



आयेननि खुंथाइनि रेखाथि आरो नाव आरो उरां जाहाजफोरनि हान्था-मेलाखो उदांस्त्रि गोनां खालामना लाखिनो थाखाय साथियारि हुदा खालामगोन। बिबुंथियाव चीननि मुं लायाखै। नाथाय दरब्रै हादतफोरा गावसोरनि बे आखुखो मिथिहोयोदि, थांनय 2016 नि हारिमायारि गेजेर थाखोनि थांखिआ हादत आरो आयेनारि महरै गोनांथाय। हारिमायारि गेजेर थाखोनि थांखियाव जासिमनि सायाव

बिथा खालामनानै चीननि दाबि देखांनयफोरखो गनायथि होयाखैमोन। चीनआ गेजेर थाखोआव बाहागो लानो नेवसिगारनायजों लोगोसे थांखिखो सिफायदोंमोन आरो लांन्थियै बेखो नेवसिगारबोबाय थादों। जेना गोनाडे होबथानायनि उनाव 2013 याव फिलिपाइन्सआ चीनजों लोगोसे जेनाखो हारिमायारि गेजेर थाखोआव लानानै सौहैदोंमोन। □

## आमेरिकानि फ्लरिडयाव फिन गंसे बारआव गुलि गावनाय जाथायजों सानै जिड गोमादों

फ्लरिड, 7 एप्रिल : आमेरिकायाव जाहोन गैया जासे गुलि गावगुंनय जाथायफोरा जाफलेबाय थायो। बेबायदिनो गोदान मोनसे जाथायाव सुबुंनि जिड गोमानायजों लोगोसे गोबां जोखोमबो जादों। बेफोर बायदि गुलि गावनाय जाथायखो आमेरिकान पुलिसआ होबथानयाव फेलें जादों होन्ना बुंजायो। शनिबारखालि अखा नायसि समाव आमेरिकानि मियामिआव गोदानै मोनसे गुलि गावनाय जाथाय सोमजिदों, जेराव सानै सुबुंफोरनि जिड गोमायो आरो सा 7 जोखोम जायो। बिबानगिरिफोरनि मिबथिहोनाय बायदिब्ला फ्लरिडनि डरालनि मार्टिनि बारआव अखानायसि 3:30 रिंगासो समाव माखासे सुबुंफोरनि गेजेराव गोखों दावराव-दावसि जायो। मियामि डाडे पुलिस डिटेक्टिभ एलबार' जबलेताया बुंदोंदि, जेब्ला बाराव जानाय बे दावराव-दावसिखो सामलायनो रेखाथि मावफारियाफोरा नाजायो अब्ला सासे सुबुड पिस्टल दिहुन्नानै रेखाथि मावफारियाखो गुलि गावो। गुलि नांजानानै रेखाथि मावफारियाआ जिड गोमायो। बेवहायनो थानाय सानै पुलिस

बिबानगिरिफोरा फिनजाथाय होनानै गुलि गावयो आरो बेवहाय सासे पिस्टल लानाय सुबुड जिड गोमायो। डरालनि पुलिस गाहाइ बिबानगिरि एडविन लपेजआ खौरंगिरिफोरनो मिबथि होदोंदि, बारनि गुलि गावनाय जाथायाव सासे बिबानगिरियाबो गुलि नांजादों। बेवहाय सा 6 खाथिजों थांनय एबा हान्थिलानाय सुबुंफोरबो जोखोम जादों। बिसोरनि गेजेराव साब्रैया हौवा आरो सानैया आइजो। खौरंनि बायदिब्ला जोखोम जानाय पुलिस बिबानगिरिखो फाहामसालियाव थिसननानै फाहामथाइ होनाय जादों। सा 6 जोखोम जानायफोरखोबो फाहामसालियाव थिसननाय जादों। नाथाय बिसोरनि गेजेराव सानैनि देहायारि हालोदआ जोबोद गोब्रार होन्ना मिबथिनो मोन्दों। फ्लरिडनि आइन सामलायथाइ बिफाना बे जाथायखो नायबिजिनो जागायबाय। फारसेथि मियामि डाडे पुलिसआ सानै सुबुंफोरनि जिड गोमानाय केसखो नायबिजिरगासिनो दड। जिड गोमानाय पिस्टल दिहुन्ना गावजेन्याय सुबुं आरो रेखाथि मावफारियानि सिनार्यथिखो मिबथिनो हानाय जायाखै। □

## गाजायाव इज्राइलनिफ्राय लांखार जानाय सासे आबादारिनि गोथै सह' बोखानो मोन्दों

काहिरा, 7 एप्रिल : इज्राइलनिफ्राय लांखार जानाय सुबुंफोरखो बुधारनानै हामास उतखारिफोरा गाहाइ मन्थि बेन्जामिननि सायाव जेनाखो गोखोंसिन खालामदों। फारसेथि इज्राइल सान्थिया शनिबारव गाजायाव बेखनआव लांजाय 47 बोसोर बैसोनि आबादारिनि गोथै सह' बोखानो मोन्दों होन्ना मिबथि होदों। इज्राइल आरो हामासनि गेजेराव 6 दाननिफ्रायनो सोलिनाय दावहाखो होबथानो आरो हामासनि बेखनआव थानाय इज्राइलनि सुबुंफोरखो रेखा खालामनायनि थाखाय खेबसेबाव सावरायनो थियारि खालामबाय थानाय समावनो इज्राइलनि सासे आबादारिनि

गोथै सह'खो बोखानो मोन्नाय जादों। गोथै सह' बोखानो मोन्नायखो इज्राइल-हामास दावहाखो फोजेबनो आमेरिकानि गोखों नाजानायनि गेजेराव मोनसे गिदिर जेना होन्ना गनायनाय जादों। इज्राइलनि सान्थिया बुंदोंदि, गावसोर एलाड कात्जिरनि गोथै सह'खो मोन्दों आरो बिखो थांनय जानुवारीयावनो इस्लामि जिहादिनि उतखारिफोरा बुधारदोंमोन होन्ना गनायनाय जादों। मख'जाथावदि, हामासनि उतखारिफोरा थांनय बोसोरनि 7 अक्टूबरआव खोला इज्राइलआव हाबहैदोंमोन आरो गोखोडै गाग्लोबनानै सा 1,200 नि बांसिन सुबुंफोरनि जिड खोमादोंमोन। हामासआ बे

गाग्लोबनायनि उनाव खमैबो सा 250 इज्राइलनि सुबुंफोरखो गावसोरनि बे'खनआव लांदोंमोन। आबादारि कात्जिरखो सिमनाजों नांजाबनाय निर अजनिफ्राय लांखारदोंमोन। बिन गोथै सह'खो बोखानो मोन्नायजों इज्राइल सरकारनि सायाव गुबुन आद्रा थानाय बे'खनआव लांजाय सुबुंफोरखो उदां खालामनांगौनि थाखाय गोरोबथा खालामनांगौ होन्ना नारसिन्थाया बांसिन जानानै फेदों। सासे आबादारिनि गोथै सह'खो मोन्नायनि उनाव रोजा रोजा सुबुंफोरा तेल अभिबआव थुबुर जादों आरो बे'खनआव लाखिजानाय गुबुन सुबुंफोरखो रेखा खालामनायनि थाखाय थाबेनो माबा मोनसे

गोरोबथा खालामनो आरो दावहानि गेजेरावनो बिसायख'थि खुंनंगौनि दाबि खालामदों। दासिमाव खमैबो सा 36 बे'खनाव लांजाय सुबुंफोरनि जिड गोमानायखो रोखायै मिबथिनो हानाय जादों। फारसेथि बे'खनआव लांजाय गासै सुबुंफोरनि खावसेखोने रेखाथि खालामनोबो हानाय जादों। जिड गोमानाय कात्जिरनि बिनानावआ बुंदोंदि, सम थानायावनो माबा मोनसे गोरोबथा खालामोब्ला बिन जिडआ रेखा मोनगौमोन। गावसोरनि सरकार गिख' आरो राजखान्थियारि मुलाफाखो नोजोर होयो। बेनिखायनो दासिमबो जेबो रदाय खालामनो हायाखै। □

## 2028 नि अलिम्पिक गेम्सआव क्रिकेटआ बाहागो जागोन

गोदान दिल्ली, 7 एप्रिल: अलिम्पिक गेम्सआव गुबुन गुबुन गेलेमुफोरजो क्रिकेटआबो 2028 आव बाहागोआव थागोन। क्रिकेट गेलेमुआ फ्राय 128 बोसोरनि उनाव अलिम्पिकआव बाहागो जाफिनगोन। बेनि सायाव इन्टरनेसनल अलिम्पिक कमिटीआ बाहागो जागोनखी सिगांनो इसारा होदो। बेनि सिगां क्रिकेटआ 1900 माइथायाव अलिम्पिक गेम्सआव जायगा मोन्दो मोन। नाथाय अलिम्पिकआव गेलेजानो गोनां क्रिकेटआ टी-20 फर्मटआवसो खुंजागोन। बे गेलेमुनि अनगायै स्कवाशाआबो 2028 नि अलिम्पिक गेम्सआव जायगा मोनसिगोन। इन्टरनेसनल अलिम्पिक कमिटीनि जालानाय



जथुमाव क्रिकेट आरो स्कवाशाखी 2028 नि अलिम्पिकआव सोफानायनि सायाव इशारा होदो। बे गेम्सआव बेसोर मोनने गेलेमुफोरखी लाफानानै गासै मोन 5 गोदान गेलेमुफोरखी सोफानाय जासिमोन। इन्टरनेसनल अलिम्पिक कमिटीनि आफादगिरिआ लस

एन्जिल्सआव जालानाय कमिटीनि जथुम्मानि गेजेरजो मोन 5 गोदान गेलेमुफोरखी थिसननायनि थाखाय आर'ज होनायखी आइअसि वर्कि बर्डनिफ्राय गनायथिना लानायखी रोखा खालामदो। बे मोनबा गेलेमुफोरनि फारिआव क्रिकेट आरो स्कवाशनि अनगायै

बेस बल, सफ्ट बल, प्लेग फुटबल आरो लेक्रेस गेलेमुआ दंफायो। मख'नो गोनांदि, चीननि हंजौआव जालानाय एसियान गेम्स 2023 आव भारतनि हौवाफोर आरो आइजोफोरनि हान्जाया गोखोडै दिन्थिफुनायै सनानि मेडेल देरहादो मोन। भारतीय हौवाफोरनि हान्जाखी केपेन महैर ऋतुराज गायकवाडआ सामलायदो मोन आरो आइजोफोरनि हान्जानि कामानखी केपेन हरमनप्रीट कौरआ सामलायदो मोन। हौवाफोर आरो आइजोफोरनि मोननैबो भारतीय हान्जाया थोखोडै क्वार्टर फाइनलनिप्रय दिन्थिफुनायखी जागायदो मोन। हौवाफोरनि टीमआ क्वार्टर फाइनलाव नेपालखी 23 रनजो फेजेनयनि उनाव सेमिफाइनलाव बांलादेश आरो फाइनलाव आफगानिस्तानखी फेजेनानै सनानि मेडेल देरहादो मोन। गुबुन फर्सेआइजोफेरनि हान्जाया क्वार्टर फाइनलाव अखानि थाखाय गेलेनो मोनाखैमोन। बेनि उनाव भारतनि हान्जाया सेमिफाइनलाव बांलादेशखी 8 उइकेटजो आरो फाइनलाव श्रीलंकाखी 19 रनजो फेजेनानै सनानि मेडेल देरहादो मोन।

अस्ट्रेलियानि हेंथायै भारतीय हकी हान्जाया गिबि मेचआवनो जेन्नादो

गोदान दिल्ली, 7 एप्रिल: भारतीय हौवाफोरनि हकी हान्जाया अस्ट्रेलियानि गोखो हान्जानो गावसोरनिफ्राय गोखो सेलेन्ज होनो मिजिथि लादो मोन। नाथाय खेब 5 टेस्ट मेच सिरिजनि गिबि मेचआव अस्ट्रेलियानि हान्जाया गोखो सेलेन्ज मोनालासे 1-5 गल स्करिआव देरहानो हायो। अस्ट्रेलियानि हान्जाया मेच

## अलिम्पिक 2036 खौ भारतआ जेखि-जाया थासास्यावनो खुंफुंनो नाजागोन

गोदान दिल्ली, 7 एप्रिल: भारतआ 2036 आव जानो गोनां अलिम्पिकखी दैदेनयनि थाखाय बेट लागायनो थियारि जागासिनो दड। आइअसिनि 139 थि जथुम्मानि समाव भारतआवनो बे गेम्सखी खुंफुंनोनि थांखि लानाय जादो मोन। बे समावबो मोनबो हादरआनो भारतनि खुंफुंनो दाबि खालामनायाव हेंथा गसडखेमोन। बेनिप्रय भारतनि बे गेम्सखी खुंफुंनो मोनगोननि मिजिडा बांसिनानै फैदो। आइअसिआव गासै 101 सोद्रोमाफोर दड। जायनि गेजेव गोबां हादरफोरनो अलिम्पिक गेम्सखी खुंफुंनो बेट लागायो। भारतआ सिगां समाव 1982 नि एसियान गेम्स आरो 2010 कमनवेल्थ गेम्सखी जाफुसारे दैदेनखांबाय। जायनि उनाव भारतआ 2036 अलिम्पिक गेम्सखी खुंफुंनो थांखि लादो। 1983 आव दिल्लीआव जालानाय आइअसिनि जथुमाव गोबां हादरफोरनो अलिम्पिकनि थाखाय बेटि लागायदो मोन। आइअसिनि जानो गोनां जथुमाव गासै 101 सोद्रोमाफोर खुंफुंनयाव मदद होनाय एबा होयैनि सायाव भट



होनो मोन्थाय मोनो। अलिम्पिक गेम्सआ खेबफ्रोम 4 बोसोरनि उनाव खुंजायो। 2024 नि गेम्सआ पेरिसआव खुंजागोन आरो 2028 नि अलिम्पिक गेम्सआ अमेरिकानि लस एन्जिल्सआव खुंजागोन। बेनि उनाव 2032 नि थाखाय अस्ट्रेलियानि ब्रिसबेननो खुंफुंनो बिबान गथायबाय। मोनसे गिदिर इभेन्ट महैर बेखी खुंफुंनो थाखाय गोबां रानि खाबु आरो मेनेजमेन्टनि गिनांथि जायो। मख'नो गोनांदि, अलिम्पिक गेम्सखी दैदेनयनि थाखाय मोन 25 नि बांसिन गेलेमु आरो खेब 310 इभेन्टफोरखी खुंफुंनयायनि थाखाय खुंफुंनो ग्रा सहरआव खाबुफोर थानांगो जायो। बेजो

लोगोसेनो 20 रोजानिखुइ बांसिन सुबुंफोर थानाय खाबुफोर थानांगोन। जायनि फारिआव आइअसिनि सोद्रोमा, सरकारि एम्बाचाडर आरो जर'खागिरिफोरा सहरआव समखी बारहोनांगो जायो। बेबादि थासारिआव आइअसिआ बेटि लागायनानै बेनि थाखाय बेसेबां खरसा जायो बेखी मिथिनो नाजानांगोन। 2020 नि अलिम्पिक गेम्सखी टकियआ खुंफुंनो मोन। टकिय अलिम्पिकआव 2013 नि खुंफुंनयायनि समाव लागायनाय हामदांनया नैफान बांनानै फैदो मोन। बेबादि थासारिआव 2032 सिमआउं आरोबाव

खुंफुंनयायनि खरसाखी गोबां जाहैगोनखी मिजिथि लानो हायो। मख'नो गोनांदि, टकिय अलिम्पिकखी खुंफुंनयायनि थाखाय 1.42 त्रिलियन येन थांगोननि मिजिथिदो मोन। नाथाय बे गेम्सआ जोबनायसिमाव खुंफुंनो ग्रा आफादआ 15.4 बिलियन डलार खरसा जानायनि हामदांथि होदो। मख'नो गोनांदि, निता आम्बानीआ रिलाइन्स फाउन्डेसननि आफादगिरि महैर भारतआव इयुथ गेम्सखी जौगाहोनायाव गोनांथिथार बिफाव लादो। बिथाडा आइअसिनि सोद्रोमा सायख'जानाय गिबि भारतीय आइजोबो जानो हाबाय।

## अनुपमा उपाध्यायआ काजाकिस्तान इन्टरनेसनल सेलेन्ज टुर्नामेन्टनि बिमुं देरहादो



गोदान दिल्ली, 7 एप्रिल: भारतीय बेडमिन्टन गेलेगिरि अनुपमा उपाध्याय आरो थारुन मन्नेपल्लीआ काजाकिस्तान इन्टरनेसनल सेलेन्ज टुर्नामेन्टआव फारियै आइजो आरो हौवाफोरनि सिंगेल्स केटेगोरिआव बिमुं देरहाबाय। आलमरानि 19 बोसोर बैसोनि अनुपमाआ थांनय दानआव पलिश इन्टरनेसनल सेलेन्जआवबो बिमुं देरहादो मोन। बिथाडा फाइनलाव 41 मिनिटसिम सोलिनाय बादायनायाव समान रेंकिनि

बादायारि इसारानि बरुआखी 25-15, 21-16 स्करआव फेजेनानै लान्थियै नैथि बिमुं देरहादो। गुबुन फार्से थांनय बोसोरनि डिसेम्बर दानआव गुवाहाटीआव जालानाय सिनियर नेसनल सेम्पियनसिपआव रानार्सआप जानाय 22 बोसोर बैसोनि थारुनआ 8 थि रेंकिनि मालएसियानि बादायारि सुं जु वेनखी 21-10, 21-19 स्करआव फेजेनानै गावनि गिबि इन्टरनेसनल बिमुं देरहायो। मिक्स डबल्सनि फाइनलाव

भारतनि सन्जय श्रीवत्स धनराज आरो मनिषानि जराआ मालएसियानि वं टिएन सि आरो लिम चिव सिपनि जराजो 21-9, 7-21, 12-21 स्करआव जेन्नाडो। बारग' सिनियर नेसनल सेम्पियन अनुपमाआ सोलिफु सप्ताहआव मोजां फर्मआवनो दं गासिनो। बिथाडा फाइनलाव सौहैनाय लामायाव समान रेंकिनि बादायारि हसिता राव, चेक रिपाब्लिकनि थेरैजा स्वाभिकभा, समान रेंकिनि डेबिका सिहाग आरो जापाननि सरान यशिकाभाखी फेजेदो। अनुपमाआ 2021 आव इन्डियान इन्टरनेसनल सेलेन्ज, पलिस अपेन (2022, 2024) आरो 2023 आव काजाकिस्तान इन्टरनेसनल सिरिज देरहादो।

## अस्ट्रेलियानि हेंथायै भारतीय हकी हान्जाया गिबि मेचआवनो जेन्नादो

गोदान दिल्ली, 7 एप्रिल: भारतीय हौवाफोरनि हकी हान्जाया अस्ट्रेलियानि गोखो हान्जानो गावसोरनिफ्राय गोखो सेलेन्ज होनो मिजिथि लादो मोन। नाथाय खेब 5 टेस्ट मेच सिरिजनि गिबि मेचआव अस्ट्रेलियानि हान्जाया गोखो सेलेन्ज मोनालासे 1-5 गल स्करिआव देरहानो हायो। अस्ट्रेलियानि हान्जाया मेच



जागायनायनिफ्राय लानानै जोबनायसिम गावसोरनि गोखो फर्मखी लान्थियै लाखिदो। भारतनि हान्जाया जोबथा क्वार्टरआव मोजाडै दिन्थिफुंनो बलाबो जोबनायसिमआव गावसोरनि गोहोमखी लाखिनायाव फेलें जाहैदो। अस्ट्रेलियानि जानानै टम भिक्रममा 20 आरो 38 मिनिटआव गरनै गल सोनायनि अनगायै टीम ब्रेन्डआ 3 मिनिट, जएल रिन्तालाआ 37 मिनिट

आरो पिलन अगिलभोआ 57 मिनिटआव फारियै 1-1 गल सोदो। भारतनि जानानै गरसेल' गलखी गुरजन्त सिंहआ सोदो। अस्ट्रेलियानि हान्जाया जागायजेन्नायनिफ्रायनो मोजां फर्मजो जुरिजेन्दो। जायनि फिथाइखी हान्जाया 3 मिनिटआवनो मोनजेन्दो। बे समाव ब्रेन्डआ लं पास बल मोनायखी भारतनि गल किपार पि आर श्रीजेशखी आन्दायहोना गल सोदो। बेनि उनावनो

अस्ट्रेलियानि हान्जाया भारतनि डिफेन्सखी गाग्लोब्याय थादो। बे हान्जाया मेचनि 8 मिनिटआव गिबि फेनालिट कर्नार मोन्दो मोन। नाथाय बेखी श्रीजेशआ रैखाथि होदो। अस्ट्रेलियाआ बेनि 1 मिनिट उनाव नैथि पेनालिट कर्नारनि खाबु मोन्दो मोन। नाथाय बेखी श्रीजेशआ होबथानानै रिन्तलानि शटखी फेलें खालामदो। भारतीय डिफेन्डरफोरनि गोरोन्थिनि जाउनाव अस्ट्रेलियाआ नैथि क्वार्टरनि 5 थि मिनिटआव गावसोरनि स्करिखी 2-0 आव आवगायहोदो आरो बेखी मेचनि गेजेर समसिम लाखिदो। नैथि हाफआवबो लान्थियै गाग्लोबनायखी लाखिनाय अस्ट्रेलियाआ थामथि क्वार्टरनि 7 थि मिनिटआव रिन्तलानि

मददजो आवगायनो हादो। मानोना बे समाव रिन्तलाआ काह भिलतनि रिभार्स शटखी गल सोदो। बेनि उनाव भिक्रममा आगदा कर्नारनिफ्राय शट होनानै गावनि नैथि आरो हान्जानि त्रैथि गल सोयो। बेनि उनाव भारतीय हान्जाया गावसोरनि दिन्थिफुंनया आदोबखी सोलायो। थामथि क्वार्टरआव भारतआ गरनै गल सोनायनि साखाथियाव सौहैदो मोन। नाथाय अस्ट्रेलियानि गल किपार एन्ड्रु शार्टरआ भारतनि थांखिखी फेलें खालामो। बेनि उनाव भारतीय हान्जाया गावसोरनि गल सोनो नाजानायखी लाखिना नारा-नाथायै जुजियो। अस्ट्रेलियाआ मेच जोबनायनि 3 मिनिट सिगां फेनालिट कर्नार मोनायखी अगिलभोआ गलनि महैर होदो।

## मिराबाइ सानुआ पेरिस अलिम्पिकआव बिमुंखौ रैखाथि खालामनो नाजागोन

गोदान दिल्ली, 7 एप्रिल: टकिय अलिम्पिकआव सिलभार मेडेल देरहानाय भारतीय आइजो वेटलिफ्टर मिराबाइ सानुआ आइडब्लिउएफ वर्ल्ड कापआव आइजोफोरनि 49 कि:ग्रा: लिस्थायारि केटेगोरिनि गुप-बिआव थामथि मासिआव जायगा आवग्रिनानै थांनय साननैसोनि सिगां पेरिस अलिम्पिकआव गावनि मासिखी रोखा खालामबाय। जोखोमनि जाउनाव 6 दान गेलेनायनिफ्राय जानगारनायनि उनाव बिथाडा गासै 184 कि:ग्रा: लिस्थाय दैखानानै अलिम्पिकनि थाखाय गावनि जायगाखी रोखा खालामो। जालानाय बे टुर्नामेन्टआ पेरिस अलिम्पिकनि थाखाय जोबथा आरो बाहागो लाथारानांगो क्वालिफायर टुर्नामेन्टमोन। गावनि दिन्थिफुंनया जोबनाय लोगो-लोगोनो मिराबाइआ पेरिस अलिम्पिकनि थाखाय भारतीय अन्सायगिरिफोरनि गेजेराव गोदान मिजि लाबोफिन्दो। भारतनि 2017 वर्ल्ड सेम्पियन मिराबाइआ सोलिफु समाव आइजोफोरनि 49 कि:ग्रा: अलिम्पिक क्वालिफिकेसन रेंकि (अकिउआर) आव चीननि जियान हुइहुनि उनाव नैथि नम्बरआव दड। क्वालिफाइ जानाय गेलेगिरिफोरनि फारिलाइखी अकिउआरनि गोदान फारिलाइ फोसावनायजो फोसावफागोन। मिराआ बेनि सिगां जोबथा खेब थांनय बोसोरनि सेप्टेम्बर दानआव एसियान गेम्सआव बाहागो लानाय समावनो जोखोम जादो मोन। जायनि उनाव बिथाडा बावैसो जालानाय आइडब्लिउएफ वर्ल्ड कापआव मिजिथि बादियै दिन्थिफुंनो हायाखै।



मानोना बिथाडा लासैयै दिन्थिफुंनयाजोसो क्वालिफाइ जादो। मिराआ बे समाव स्नेश आरो क्लीन एन्ड जार्कआव गावनि साबसिन दिन्थिफुंनयायनि साखाथियाव सौहैयाखै। जेराव बिथानि साबसिन दिन्थिफुंनया 88 कि:ग्रा: जानानै दड। नाथाय बिथाडा वर्ल्ड कापआव 81 कि:ग्रा: लिस्थायल' देखानो। बिथाडा 2021 एसियान सेम्पियनसिपआव क्लीन एन्ड जार्कआव वर्ल्ड रेकड 119 कि:ग्रा: लिस्थाय देखानो मोन। नाथाय बावैसो जोबलांनय आइडब्लिउ वर्ल्ड कापआव 103 कि:ग्रा: लिस्थायल' देखानो। अब्ताबो बिथाडा फेगौ जुलाइ दानसिमआव गावनि नोरजियाथिफोरखी सुदायनानै गावनि मेडेल देरहानायखी पेरिस अलिम्पिकआव रैखाथि होनो नाजागोन।

## फारिआव गाज्रि रेकड लाखिदो

रेकड थिसनजादो। कहलीआ बे मेचनि 72 बलआव 113 रन लादो मोन। जायनि फारिआव बिथाडा खेब जिने 4 रन आरो खेबब्रे 6 रन लादो। अब्ताबो मेचआव बिथानि हान्जाया 6 उइकेटजो जेन्नादो। मख'नो गोनांदि, आइपिएलआव बेयो एरैबादि मोनसे मेच जेराव कहलीआ सेन्सुरि लासेयावबो हान्जाखी थामहिनबा आरसिबिखी देरहाहोनो हायाखै। जायनि जाउनाव बिथाडा मेचआव जेन्नाय महैर बासिन सेन्सुरि लानाय रेकड थिसन्दो। बेनि सिगां रावबो गेलेगिरिआ मेचआव जेन्नाय महैर खेबथाम सेन्सुरि लानो हायाखैमोन। बिथाडा सेन्सुरि इनिंस गेलेनायनि समाव आइपिएलनि जारिमिनआव गोहैलोयै सेन्सुरि लानाय रेकडआवबो समानआव सौहैदो। बिथाडा मनिश पान्डेजो बे फारिआव समान मासिआव जायगा मोनबाय। जेराव बिथाडा 2009 आव डेक्कान सार्जार्सनि हेंथायै 67 बलआव सेन्सुरि लादो मोन। मनिशआबो बे सेन्सुरि इनिंसखी आरसिबि हान्जानि जानानै गेलेदो मोन।

## पार्ल केपनि रेसआव युजबेन्द्र चहलआ बयनिबो सिगाडव

गोदान दिल्ली, 7 एप्रिल: सोलिफु आइपिएलनि 19 थि मेच जोबनायनि उनाव पार्ल केप आरो अरेन्ज केपनि रेसआव गोबां सोलायनाय फैदो। अरेन्ज केपनि रेसआव भिराट कहलीआ बयनिबो सिगांसिनआव दडब्ला पार्ल केपनि रेसआव गेलेगिरिफोरनि गेजेराव गोखो सेलेन्ज होज्जानायनयखी नुनो मोनो। आरसिबि आरो आरआरनि रेजेराव गेलेनाय मेचनि उनाव स्टर स्पीनार युजबेन्द्र सहलआ पार्ल केपनि रेसआव बयनिबो सिगाडव सौहैदो। राजस्तान रयेलसनि लेग स्पीनार सहलआ रयेल सेलेन्जार्स बेंगालुरुनि हेंथायै मेचनि 4 अभासआव 34 रन होनानै 2 उइकेट लादो। बेजो लोगोसेनो बिथाडा सोलिफु सिजनआव गेलेनाय खेबब्रे मेचआव गावनि उइकेटखी 8 सिम आवगायहोयो। बे फारिआव महित शर्माआ 7 उइकेटजो नैथि, मुस्ताफिजुर रहमानआ खेबथाम मेचआव 7 उइकेटजो थामथि नम्बरआव जायगा आवग्रियो। गुबुन फार्से अरेन्ज केपआव कहलीआ जायगा



मोनो। जेराव बिथाडा खेब 5 मेचआव 105.33 जौखोन्दो जौ 316 रन लाबाय। जायनि फारिआव बिथाडा खेबनै हाफ सेन्सुरि आरो खेबसे सेन्सुरि लाबाय। बे फारिआव रियान परागआ खेबब्रे मेचआव 185 रनजो नैथि मासिआव जायगा मोनो। बेनि उनाव सन्नु सेम्पसनआ खेबब्रे मेचआव 178 रनजो जायगा आवग्रिनानै दड।

## सुमित नागलआ मन्ते कार्ल मास्टार्स क्वालिफायरआव 63 थि रेंकिनि बादायारिखी फेजेदो

गोदान दिल्ली, 7 एप्रिल: भारतनि टप टेनिस गेलेगिरि सुमित नागलआ मन्ते कार्ल मास्टार्सआव देरहानायजो जागायनानै क्वालिफायरआव मुलुगनि 63 थि नम्बरनि इटालीनि बादायारि प्लेथिय कभलीखी थोंजो सेटफोरव फेजेदो। रेंकि गैजायै आरो टुर्नामेन्टआव 95 थि रेंकिआव जायगा मोनाय नागलआ 8 थि



रेंकिनि कभलीखी 6-2, 6-3 स्करआव फेजेदो। नागलआ बे खेबआव जोबथा क्वालिफायर मेचआव आर्जेन्टिनानि साने

गेलेगिरिफोर काकुन्द दियास अकस्टा आरो डि'एग' वार्टसमेननि गेजेराव जानो गोनां मेचनि देरहागिरिजो बादायगोन।

अकस्टाआ 55 थि रेंकिनि गेलेगिरि महैर टुर्नामेन्टआव थामथि रेंकि मोन्दो आरो 124 रेंकिनि वार्टसमेनआ वाइल्ड कार्ड हलडार महैर सेलेन्जआव ओंखारदो। भारतीय गेलेगिरि रहन बपन्ना आरो बिथानि अस्ट्रेलियानि जय गेलेगिरि मेथ्यु एबडेनआबो टप रेंकिनि जय महैर टुर्नामेन्टआव देरहानायजो जागायनो ओंखारगोन।